

रविन श्रेष्ठ

मू-लुखाया न्याफोगु स्वां

“नेपाल सम्बत-छगू विवेचना”

PATAN CAMPUS LIBRARY

छेत्रबहादुर कायस्थ “यल”

बकुम्बहाल, ललितपुर

जिगु धाय्गु-

श्व " नेपाल सम्बत छगू विवेचना " सफू
जि च्वय् घका च्वैगु मखू । आपालं पासापिसिगु
कुतलं च्वकूगु खः । गुनि पासापिसं थौंया राष्ट्र
भाषां च्वकेगुतं कुतः याःगु खः । तर मां भाय् यागु
ममतां हे त्याकूगु जुल ।

नुगः मखिगु खं श्वहे खःकि आर्थिक अभावं
सफू लुदंक पिकाय् मखन । उकि श्व निमित्त सफूया
संक्षिप्त जक खः ।

अनुसन्धानया ज्या उलि अःपु मज्गुलि गनं
दं दय्फु । गन मगाय्फु वा छुं ज्वीफु । च्वमि
भाजु, मय्जुपिसं थुकियात थःभापिना माःगु ज्वलंया
रूपे साहुति विया ग्वाहाली याना दी धैगु आशा
याना । गुकि मेथु संस्करणे पिकाय्त् यक्वों
ज्या छिनी ।

श्व सफू च्वय्गु ज्याय् आपालं प्रेरणा विया
द्यूम्ह पासा जुलुमलाल चित्रकारजु व थासा
बांलाकेगु ज्याय् कुतः याना द्यूपि अरनिको प्रसया
पासापिन्त दुःनुगलंसि भितुना ।

जि खना थें-

भाषा, संस्कृति, कला, सम्बत, थःगुहे मदय्क देशया मौलि-
कता म्वाय्थाकु । मौलिकता मौलिकता धाघां हे कीसं म्वाय्गु
अस्तित्वयात म्बेठ्याना मेमेगु थाय्था मौलिकतातयत थःनाला
वयाच्चना । सा स्याना धुं पोसे याना वयाच्चना । मांया नुगः ह्वातां-
चाः, गुकी चुचुप्याना दुरूत्वना ब्वलना । थौं ब्वे व छ्येगुजक ल्यंद-
निम्ह वहे मांया नुगले महीपिसं तुति न्दुयाच्चन, च्वातु च्वाना च्वगु
कीगु मिखां तुलुतुलु स्वैच्चना । थ्व फुक्कया अर्थ मौलिकताथ्य न्नाले
मौलिकताय् गःकीगु थें खः । थ्व कीगु नेपाल सम्बत, संस्कृति, भाषा
म्वाय् थाकुगुया कारणनं थुकथ जुया वना च्वन । यलया नां दम्ह
भाजु छेक्कवह्मदुर काक्स्थजुं बुगु सप्तस्वायत अवधीक दुबाला थःत
हे वःगु भार भाःप्रिया कर्तव्य पूर्वकेगु कुतः जूगु साप लय्ताया पुगु
खं खः । जितः ताः स्वैत नेपाःमा, वैत नेपाल सम्बतमाः, स्वैत नेपाःया
संस्कृति माः, वैत नेपाल भाषा माः । नेपाल सम्बत नेवा मात्रया
जक मखुं थ्व सम्पूर्ण नेपाली जातीया साक्षा सम्पति खः । खयानं
थ्वैत थौं राष्ट्रिय स्तरं छाया मान्यता मविल, बी लो या मलो ?
आदी खं ग्यसुलाक्क तर्क प्रमाण बिया ज्वःगु ल्हात च्वैतगु थ्व
प्रस्तुत सफूयात अनुसन्धानया ज्या ज्वना दोबि व भाषा, संस्कृति
मौलिकता प्रेमी ब्वमिपिसं राष्ट्रिय स्तरे मान्यता बीगु ज्याय् तिबः
वीकथं यो ताय्की खना ।

-भगतदास श्रेष्ठ

दोहलपा -

दुःख कष्ट नया गुम्हसिनं जित बोलंकल
बहे पुज्य अबु श्री नरवहादुरजु यात

-छेत्र

“नेपाल सम्बत” छगू अन्वेषणया विषय

“नेपाल सम्बत” छुछः धैगु न्ह्यसःया लिसः ‘नेपाल’ नामं सिद्ध जूकि ध्व जीगु ‘नेपाल देश’ या थःगुहे सम्बत खः ।

नेपाल देशया इतिहास दुने अभिलेखया ल्याखं “नेपाल सम्बत” या न्ह्यः छ्यला तःगु ववय् च्वयागु निगू सम्बत खने दु ।

१) शक सम्बत (जुजु मानदेव (प्रथम) या अभिलेख सम्बत)

२) ठकुरीया सम्बत (जुजु अंशुवर्मा चले याना वंगु सम्बत)

ऐतिहासिक दृष्टिकोणं विचाः याय्वले ध्व निगू सम्बत नं वंश व जातियताया आधारे नामकरण जूगु खः । अभिलेखया ल्याखं नेपाल देशे शक सम्बत लिच्छवि जुजु मानदेव (प्रथम) निसे अंशुवर्माया न्ह्यः तक छ्यला तःगु खने दु । ठकुरी सम्बत धाःसा जुजु अंशुवर्मा निसे स्वंगुगु शताब्दि अपो चले जूगु खने मदु ।

तर, “नेपाल सम्बत” एकतन्त्री राणा शासनया मार फयान म्वाना च्वने फूगु हे जन प्रियया दसू खः । अले पवित्र उद्देश्य व महान त्यागया परिणाम नं खः ।

छाय् घासा —

“नेपाल सम्बत” फिया लु जूगु दामं जुजु व प्रजाया संयुक्त प्रयासे दको नेपामितय्गु ऋण पुला चलेयागु सम्बत खः । स्वार्थ व जातियताया आधारे नामकरण मयासे राष्ट्रिय भावनां प्रेरित जुया थःगु मातृभूमि “नेपाल देश” या नां ववकया चले यागु ध्व राष्ट्रिय सम्बत खः ।

थथे “नेपाल सम्बत” छगू नेपाल देशया महत्वपूर्ण सम्बत जुयानं ध्वया ऐतिहासिकता तथ्यपूर्ण मजुसे भ्रमपूर्ण जुया च्वन ।

यथे जूगुया कारण भापा वंशावली तय्गु भिन्नतां व विद्वान तय्गु मतभेद खः । उकि थौं “ नेपाल सम्बत ” या तथ्य ऐतिहासिकता लुइके माना च्वंगु दु । गुकियाना थौं “ नेपाल सम्बत ” छगू अन्वे-
षणया विषय जूगु दु ।

अन्वेषणया साधन

अन्वेषण घैगु मुला च्वगु खँ यात यथार्थ रूपं प्रमाण सहित न्ह्योने व्वया वियगु खः । उकि अन्वेषण यादगु ज्या अपु मजू । यथे नेपालया इतिहास अन्वेषण याय्त वव्य् उल्लेख यानागु साधन तय्गु आवश्यक जू ।

- १) अभिलेख
- २) वंशावली
- ३) पुरातात्वक वस्तु
- ४) साहित्य (ग्रन्थ)
- ५) किंवदन्ती वा जनश्रुती

थ्व साधन पाखें इतिहासया अन्वेषणे गुकर्थ वः (ग्वाहाली) विइ घैगु खँय् थुमिगु परिचयया आवश्यक खने दु । उकि विहा-
परिचयकर्थ थुमिगु परिचय यथे खः ।-

- १) अभिलेख - थःगु कुल देवताया चित्र नापं जुजु आज्ञा, वंशक्रम, दानपूण्य, निर्माण, स्मृति आदिया विस्तार यासे सम्बत, तिथिवार अङ्कित याना तइगु स्वर्णपत्र, तामापत्र, शिलापत्र खः । थौंया विश्वय् इतिहासया ख्यने अभिलेख हे सर्वमान्य जुया च्वन ।

- २) वंशावली - जुजुया राज्य काल, राज्य चर्चा, देशया तःधंगु घटना, निर्माण, जिर्णोद्धार आदिया चर्चा याना च्चया तैंगु पुलां सफू खः । वंशावलीया तिव-कथ अभिलेख, भग्नावशेषत लुइका च्वंगु दु ।
- ३) पुरातत्त्व - मुद्रा, बास्तुकला, चित्रकला व भग्नावशेषत खः । थुकि जुजु पिनिगु नां राज्यकाल, थाय् वस्तु आदि लोप जुया च्वंगु ऐतिहासिकतायात प्रकाशे (न्ह्योने) हया विइ ।
- ४) साहित्य - देशया पौराणीक, धार्मिक ग्रन्थ व विदेशी यात्रु पिस यात्राया इले बागु वणिन ग्रन्थत खः । गुकि राज्यकाल गणना याय्गु ज्याय् आपाल तिवः विया च्वनि ।
- ५) किंवदन्ती वा जनश्रुती - न्हापा जुया वं कथ घेतःगु खँत खः । थ्वया माध्यमं नं इतिहासया ऐतिहासिकता लुइकेगु ज्याय् बः विया च्वनि ।

थुगु साधन तय्गु माध्यमं अन्वेषण याय्वने आपाल खँ सत्य-ताया त्वायले यथार्थ रूपं घःस्वाका वयने पै ।

नेपाल देशया बू-खँ

“ नेपाल ” नामया स्वापू कथं “ नेपाल सम्बत ” या न्हयः “ नेपाल ” धैंगु देश गुबले, गुकथ निर्माण जुल धैंगु खँ सिय्केगु आवश्यक जू । थये आदि कालया खँ सिय्केगु ज्याय् पौराणिक, धार्मिक, ग्रन्थत हे छगू माध्यम (लंपु) जुया च्वन । विभिन्न ग्रन्थ तय्गु धापू कथं “ नेपाल देश ” छगू दह (पुष्प) पाखें निर्मित

जगु खने दु । तर, धर्मया आधारे देव-देविया नाम पाना च्वंगु दु । शैव धर्म ग्रन्थे शिव, वैष्णवी धर्म विष्णु, बौद्ध ग्रन्थे स्वयम्भु भगवान यात नेपाल देशया श्रृष्टि (आदि) देवताया रूपे न्हयोने ब्वया तःगु दु । थौं तक प्राचीन धार्मिक ग्रन्थया रूपे माने याना तःगु बृहत स्वयम्भु पुराण " खः । र श्व पुराण ग्रन्थे नेपाल देशया बू - ख वगित जुया च्वंगु दु । उकिया सार थुकथं खः -

" उगुइले (सत्य युग) नेपाल देश (थौं कन्हे उपत्यका छगुलि) छगू दह (पुखु) जुया च्वन । प्यखें पर्वतमालां चाहिला च्वंगु श्व दहया प्राकृतिक सौन्दर्य अति शोभित जुया च्वन । श्व सौन्दर्यया खें न्यना सत्य युगे विपस्वी बुद्ध थन थ्यंकवल । "जामाच्च" धंगु पर्वत च्वकाय थःगु वाय् दय्कल । थनयागु प्राकृतिक सौन्दर्य मुग्ध जुया थःगु अलौकिक शक्ति वयनेगु विचाः यात । श्वहे विचाः कथ चेत्र शुक्ल पुन्हि खुन्हु दहया दध्वी पलिस्वांमाया पुसा पित । अले थः शिष्यपित भविष्यया खें कना थः थःगु देश प्रस्थान (ल्याहां) जुल । कना थकूथें खुला-लिपा भाषिवण पुन्हि खुन्हु पलिस्वांमाय् स्वां ह्वल । नापं श्व स्वांया दध्वी ज्योतिर्मय रूप "स्वयम्भु भगवान" या मूर्ति लुया वल । श्व खें न्यना शिखी, विश्वभू, कक्रूछन्द, कनकमुनीथें मानवरूपि बुद्ध पिनिगुथन आगमन जुल । थुकथं त्रेतागुगया अन्त्य हिमालय पाखें "मञ्जुश्री" (बोधि-सत्व) यागु आगमन व नेपाल देशया निर्माण जूगु जुल ।

थनयागु प्राकृतिक सौन्दर्य लय्ताःम्ह 'मञ्जुश्री' श्व दहया प्यखें निरीक्षण याना (चाहिला स्वया) दहया ल वछ्ना देश दय्केगु गबसा भल । कटुवाल धंगु थासे थःगु शक्ति स्वरूप खड्ग पर्वत तछ्भाना ल छ्वना विल । कर्कोटक नागयागु निमित्त तोदह नामं पुखु दय्का विल । थुकथं ल छ्वने धुंका च्वने ज्याझिक शहर

र मयूरवर्ण महाबिहार-हेमराज शाक्य पृष्ठ-२

यागु निर्माण याना थः नाप वपि मध्ये 'धर्माकर' यात राजतिलक
त्रिया थः थःगु गां पाखे ल्याहाँ वगु जुल । थुकथं मञ्जुश्रीं निर्माण
यागु 'शहर' यात 'मञ्जु पतन' धका मञ्जुश्रीया नामं हे नाम
करण जूगु जुल । मञ्जुश्रीयागु लुमंतिया निम्ति छगू शिला-मूर्तिनं
दय्कूगु जुल ।”

थुकथं पुखुया ल छ्वना 'नेपाल देश' या निर्माण यागु खँ
आपालं भाषा वंशावलीस न्ह्यःथना तःगु दु । गुलि भाषा वंशावली
व धार्मिक ग्रन्थ तय्के कृष्णं ल छ्वना नेपाल देशया निर्माण यागु
धकानं च्वया तल ।

कृष्ण महाभारतया प्रमुख नेना खः । महाभारतया इ द्वापर
युगया अन्त्य अर्थात् उगु इ ५०००-६००० दँ पुनां माने याना
तल ।^१ अले ऐतिहासिकताया ल्याखँ ल्याचायाना महाभारतया काल
५१६९ दँ जक पुलां धँगु खँ निर्णय याना तय् धुकल ।^२ उकि
दहया ल छ्वना नेपाल देश दय्कूगु ६००० दँ जक पुलां जुलं
मया । थ्व स्वयानं १० दँ मयाक पुलां छने दु । उकि दहया
ल छ्वना शहर निर्माण याम्ह “मञ्जुश्री” हे खः । थुकथं माने
याय्वले नेपाल देश आदिकाल अर्थात् लखौं दँ न्ह्यः थन वसोवास
दु धँगु वयँ ।^३ नापं दहया ल व्छना शहरयागु निर्माण यागु खः
धँगु खँ थनयागु भौगोलिक गति-विधि कथं नं मिले जूगु छने दु ।

^१ शान्ति पर्व (नेपाली)- कवि शिरोमणि लेखनाथजुया भूमिका

^२ क) मयूरवर्ण महाविहार-हेमराज शाक्य पृष्ठ- १-२

ख) नेपालको धार्मिक इतिहास-जगदीश चन्द्र रेग्मी-पृष्ठ-१

^३ भारत खण्ड और नेपाल- शेषरसिंह गौतम-- पृष्ठ १३४

‘नेपाल’ नाम या प्राचीनता

“ मञ्जुश्री ” दहया ल व्यना छगू शहरया निर्माण यात । ध्वहे शहरयात “ मञ्जुपतन ” धका नाम करण जुल । ध्वहे थौं कन्हे नेपाल देशया नामं प्रशिद्ध जुया च्वन । तर ध्व नेपाल नाम गुवलेनिसँ वन धौगु ख्यै बिचाः याय् मागु दु । ध्व ख्यै प्रो. भण्डारी-जुं न्हयथना दधूमू तन्त्रशास्त्रया छपु श्लोक ग्यसू जागु दसू जू वगु दु ।^१ व श्लोक थथे खः-

कृते सत्यवती ज्ञेया त्रेतायांतु तपो वनम्
द्वापरे मुक्ति सोपानं कलौ नेपालिका पुरी ॥

- भृ तं.

ध्व श्लोकया धापूकथं ध्व देशया नाम युग ह्यकथं हिला-वद् ध्वगु खने दु । सत्ययुगे - ‘ सत्यवती,’ त्रेतायुगे- ‘ तपो वनम्,’ द्वापरयुगे ‘ मुक्तिसोपान् ’ व कलियुगे - ‘ नेपाल ’ नाम जुल ।

ध्व श्लोकया धापूकथं छीसं ध्वीके फतकि ध्व देश या “नेपाल” धौगु नाम कलियुग प्रवेश जुसां निसँ हे जूगु खः । थौं कन्हे कलियुग प्रवेश जूगु अर्थात कलियुग सम्बत्सर ५०७६ दँ खः ।^२ धुगु त्याखँ “ नेपाल ” नामया प्राचीनता ५००० दँ पुले धुकूगु स्वतः सिद्ध जूगु जुल । भाजु श्रेष्ठजुया धापूकथं किराती जुजु गलिङयात नेपाला हे वासि निमिषटङ्कार नाम छेत्रवर्मा वंशया जुजुं त्याका राज्य चलेयागु सम्बत कलि सम्बत १२७७ । ६ धाइवले आश्विन महीना निते स्वतन्त्र ‘ देवा देश ’ धका प्रख्यात जुल । थुकथं नेपाल नाम कलियुग

^१ नेपालको आलोचनात्मक इतिहास प्रो. ढुण्डिराज भण्डारी पृष्ठ २
^२ हजार वर्ष अगाडि द्वापर देखि आज सम्म वंशावली परिस्थिति-
विगोमान श्रेष्ठ पृष्ठ ६

प्रवेश निसैं नाम करण जुसां व्यापक रूपे १००० दें लिपाजक प्रचार
जूगु ज्वीफू । तर ' नेपाल ' नामया अर्थ छु खः ? थ्व खँय् विचाः
याय मानिगुहे जुल ।

‘नेपाल’ नामया अर्थ

थ्व देशया नाम प्यंगु युगे प्यता नां जूगु खँ तन्त्रशास्त्रया
घापूकथं खने द्रुगु जुल । अले ' नेपाल ' नाम कलियुग प्रवेश जुसां
निसैं प्रचलने वगु खँ नं सिद्ध जूगु जुल । तर नेपाल नामया अर्थ छु
खः ? थ्व खँ नं ध्वीकेगु (की प्रत्येक नेपामि तय्गु निम्ति) अति
आवश्यक जू । थ्व खँय् ' नेपाल ' नाम या अर्थ छयाना तःगु छू
ऐतिहासिक प्रामाणिक अभिलेख त मद्रु (थौतक मलुनि) । उकिं
पौराणिक ब धार्मिक ग्रन्थया आधारे भाषा वंशावलीस ' नेपाल '
नामया अर्थ विभिन्न रूपे छयाना तल ।

पौराणिक ब धार्मिक ग्रन्थया घापूतनं परस्परे मत भिन्नता जुया
चवन । थये ज्वी मद्रुगु खः । छगू ग्रन्थे ' ने ' १ मुनिया भाज्ञाकथं
पालित जूगुलि थ्व देशया नाम ' नेपाल ' जूगु न्हयःथना तःसा मेगुलि
' नेप ' २ जुजुया नाम जूगु धौगु खँ न्हयथमा तल ।

वंशावलीयात कया स्वयंवले नं मेमेगु देशे थें जीगु देशे
वंशावली च्वइगु ज्या आपा पुलां खने मद्रु । भाजु जोशीजुया घापू-
कथं जीथाय् वंशावली च्वयगु ज्या जयस्थिति मल्लया पाले निसैं सुरू
जूगु खः । थ्वहे नेपाल देशमा पुमांगु वंशावली खः । थ्व या नाम

१ नेपाल महात्म्य

२ गण्डकी महात्म्य

गोपाल वंशावली खः ।^१ श्व वंशावलीया धापूकथं गोपालवंशी
'नेप' जुजुं पशुपति स्थापना याना 'नेपाल' नाम तल^४ ।

थौं कन्हे "नेपाल" नामया अर्थ छु खः धैगु खय् विभिन्न
विद्वान इतिहासकार तय्गु विचे नं मतभेद जाया च्वन । गुलिसिनं
शब्दया आधारं अर्थ छयासा गुलि सिनं भाषा विज्ञानया आधारं अर्थ
छयाना च्वन । उकिं 'नेपाल' नामया अर्थ श्वहे खः धैगु निष्कर्षे
वय् मफया च्वन । श्वहे कारणं आपाल सम्भव दुगु विद्वान तय्गु धापू
त छक अध्ययन याना स्वय् -

१) प. बलदेव मिश्रजुया धापू- ने नामक थासे च्वपि जुगूलि नेवार
धाल । श्वहे नेवार श्व देशया नाम 'नेपाल'
जुन ।

२) भाजु हरिराम जोशीजुया धापू- नी-श्रृष्टी, श्रृजनात्मक प्रतिमा,
नीपामी = नेपाली = नेपालवासी न्ह्यागु
देशया नामाकरण नं अनया वासिन्दा त व
व्यक्तिया नाम जूगु दु । उकिं श्व देशया
नाम नीपामी पाखे जूगु यको सम्भव दु ।

३) प्रो दुण्डीराज भण्डारीया धापू- 'नेपाल' नेपा या सांस्कृतिक
रूप खः । तिब्बती तय्सं नेपाल यात 'नेपा'
घाइ । नेपालया प्राचीन निवासी नेवा तयसनं
'नेपा' हे घाइ । नेपाल हिमालयया मध्य
खः । श्वहे कारण श्वया नाम नेपाल जूगु
ज्वीफू । तिब्बती भाषाय् 'ने' या अर्थ 'मध्य'

^१ प्राचीन नेपाल-- हरिराम जोशी एम. ए. पृष्ठ ५७६

^४ नेप नाम्ना गोपालेन पशुपति प्रतिष्ठाकृत ।

नेप.पालित तत्वाद नेपाल ॥ गो० वं०

व 'पा' या अर्थं देश खः । उकि नेपालया व्युत्पत्ति नेषा पाखें जूगु ज्वीमा ।

४ विगामान श्रेष्ठजुया धापू- थ्व नेपाल देशया सुद नाम 'डेवा' देश खः । तान्त्रीक विधिकथं डेवानम्सं थः कुल इष्टदेवता 'डाप्वा' घोयात माने याइगु जुया च्वन । लिषा थ्वहे डा = ने, प्वा = पा जुल । अले थ्वंत 'डेपा' घाल । लिषा थ्वंत भाषाया सज्जतं पसः था पसल जूथें नेपायात नेपाल धाइगु जुल ।

५) भाजु रमापतिराज शर्माजुया धापू-- ने छगू ग्यसूलागु थाय्कथं खः । पाल छगू पाछा देकथं खः । थ्व हे अर्थ नेपाल खः ।

६) स्व० घर्मादिस्थ घर्माचार्यजुया धापू-- दकुसिबे सम्भवगु प्रमाण थ्व छः । जम्बुद्वीपं व चीनं वपि लस्करयात नेम पालन याया नीति "नेमेन पालित यस्मात् नेपाल" नेमपाल" घालसां नेपाल धागु खः ।

७) स्व० बालचन्द्र शर्माजुया धापू-- वाडेन शाहदेवबा धापूकथं तिब्बती भाषाय् वा तिब्बत-वर्मा-भाषा कुल-कथं 'ने' या अर्थ 'छे' वा 'निवासस्थल' व 'पाल' शब्दया अर्थ "ऊन" खः । -- पुलां झाप्चा भाषाय् पूर्वी नेपा व सिक्कीम यात 'ने' हे नाम छुना तल । भोटया लामा ग्रन्थ तय्के नं 'ने' यात न्यास (Gnas) च्वया तःसां तबि उच्चारण 'ने' हे जू । लामा तय्सं

एव शब्दयात "पवित्र स्थल वा गुफा" धाइ ।

... .. एव उपत्यकाय् भोट पाखें हे मंगोल जाति तय्गु प्रवेश जूगुलि लाप्चा व तिब्बती भाषाय् लाक्षणिक अर्थ प्रयुक्त जुया 'नेपाल' नाम साधारण रूपं जूगु ज्वी ।

आ कीत समस्बा वलकि सु विद्वानया धापू मनन याय् थोय् जू । नेपालं विद्वान तय्सं मेगु जातिया भाषाया आधारि 'नेपाल' नामया अर्थ छयाना च्वन । नेवा नेपालया प्राचीन निवासी जूथें 'नेपाल भाषा' नेपालया प्राचीन भाषा खः । उकि नेपालभाषाया माध्यमं नं छक अर्थ छयानास्वय् । पुलां वंशावली नेपाल देशयात 'डिपा' धका नं च्वैतल । 'डि' धासां: एव देशया नाम डिपाल = निपाल खः । 'डिपा' या अर्थ स्वस्थ, पवित्र व सुन्दर खः । अले पालया अर्थ पाखा पवंत कथं खः । ल कीगु भाषाया महत्वपूर्ण आखः ग्वः खः । गथेकि ८०० किरातीत सीगु थाय्या नामं हे च्यासल जुल ।^१ चिनघा पुलां ग्रन्थे नं नेपाल यात नि-पो-लो च्वया तल । थुकथं डिपाल = निपाल पाखे नेपाल परिवर्तिन जूगु खने दु ।

‘नेपाल सम्बत’ या वंशावली

“नेपाल” नामया अर्थ छु खः धैगु खय् मत भिन्नता जूथें “नेपाल सम्बत” गुवले, सुनां चले यात धैगु खय् नं मत-भेद दया च्वन । थये मत भिन्नता जूगुया कारण निगू खने दु-

- १) “नेपाल” सम्बत छयगु शुभ-कार्यया अभिलेख प्राप्त मज्गु
- २) वंशावलीकार तय्गु भिन्नता व सरासर भुल जूगु ।

भाषा वंशावली, वंशावलीकारजुपिसं “नेपाल सम्बत” छयगु-

^१ शान्ति-विजय-१०८९ (अङ्क २) - पृष्ठ ५८

या उद्देश्यया वर्णित (वयान याना तःगु) छगू हे रूपे वया चत्रंगु दु । खाबि गुगु इले अर्थात् सु जुजुया पाले चलेयान धंगु खंय जक मतभेद जाया चवन । उकि वशावली गुकथं न्ह्यथना तल धंगु खं ध्वीके मागु दु । आपालं प्रचलित भाषा वंशावलीयात कया स्वयंवेले जयदेव मल्लया पाले नेपाल सम्बत चलेयगु खं न्ह्यथना तःगु दु । थुकिया सार (सारांश) थुकथ खः-

“खवप देशे छम्ह तधम्ह ज्योतिष दु । व ज्योतिषया छम्ह छाया स्वःबले येँ देशे विष्णुमतिया सिथे यता (पारी) लुखु तिर्थया फि लुं ज्वीगु साइत लुइकल । उगु इले खवप देशे आनन्द मल्ल, येँ यल देशे दाजुम्ह जयदेव मल्ल जुजु जुया चवन । ज्योतिषं साइत व लगन न्ह्यःने तया जुजुयागु साहुती काल । जुजुया उजकथं लुखु-तिर्थस साइत कना फि काय्के छवत । सुथ न्हापां फि कुविया वैचवले येँ देशे च्वम्ह शंखधर (साखाल) जुं खन । छुनिकं फिकु ज्वना वपि खना शंका खं ल्हाना स्वत । खवप देशे लुखुतिर्थे फि कावःगु धंगु सिकल । थ्व फि छाया कावःगु ? छुं ज्वी फू धंगु विचारं फि कुविया वर्णित हेका थःगु छेँ यन । माने याना नका, त्वंका, लय्ताय्का हःगु फि थम्हं कया छवत । भलिया तय्सं लुखुतिर्थस वना मेगु फि कया ज्वना (खवप देशे) वन । साइत मद-य्का कागु फि फिहे जक जुल । ज्योतिषं शास्त्र मिथ्या धका भापिया मिस दुत । थुके प्यन्हु खुन्हु शंखधरजुं फुकं फि लुं जूगु खना लय्ताय्का महान ज्या याय्गु ग्वसा ग्वल । जुजु जयदेवया आज्ञाकया नेपाः या दको नेपामि तय्गु ऋण पुला धुमधामं उत्सव याना “नेपाल सम्बत” म्हणुजा खुन्हु छुत ।

तर थ्व वंशावलीया न्ह्यथनातःम्ह जुजु जयदेव मल्लया शासन काल पेतिया धापूकथं नेपाल सम्बत ३७५ भाषाढ शुक्ल ८ निसै- ३७८ माघ शुक्ल ५ तक खः । थुकिया प्रामाणिक स्वरूप जयदेव-

मल्लया पात्रे चवया तःगु निगू हस्त लिखित ग्रन्थ प्रकाशे वगु दु ।^१
विक्रमजीतजुया धापूकथं अभय मल्ल, जयदेव मल्ल व आनन्द देव
मल्लया शासन काल थुकथं खः ।^२—

अभय देव मल्ल— १२१६-१२५५ (ए. डि.) इस्वी

जयदेव मल्ल— १२५५-१२५८ " "

आनन्द देव मल्ल— १२७४-१३४० " "

‘नेपाल सम्बत’ जयदेव मल्लया राज्यकाल स्वया ३७५ दँ
मह्योः हे चले ज्वी घुंकुगू सिद्ध जूगु जुल । यथे जयदेव मल्लया ३७५
दँ मह्यः चले जूगु सम्बतयात जयदेव मल्लया शासनकाले स्वाके
हःगुलि इतिहासकार जवालीजुं फिया लुं जूगु दामं दको नेपामि
तय्गु ऋण पुला चलेयागु खँ वंशावलीकारया कल्पनाजक ज्वी धैथे
चवया झूगु दु ।^३ तर थ्व खँ थुकथं ज्वीमाकि थ्व कल्पना मखु
जनश्रुती खः । नेपालया वंशावली हे मल्लकाले चवःवगु जूगुलि
जयदेव मल्ल जूगु ज्वीमा । तर नेपाल सम्बत चलेयाःमह जयदेव
धैमह मेमह हे जुजु दय्मा ।

वंशावलीया भिन्नता

“नेपाल सम्बत” गुवले, थुकथं चलेयात धैगु खँ थ्व विवाद हे
तिनि । अले विद्वान व इतिहासकार तय्गु विचारः नं अलमलया

^१ क) करण्ड ब्यूह— नेपाल सम्बत ३७७

ख) भगवान लाल इन्द्रजीया संग्रह— ३७७

^२ हिस्टोरी अफ नेपाल-- ६ अध्याय पृष्ठ × × × ।।

^३ नेपाल उपत्यकाको मध्यकालीन इतिहास- पृष्ठ ४

गर्वादे लानि । तर न्ह्याम्हसिनं न्ह्यागुहे वंशावलीया खँ न्ह्यासां तवि फिया लुं जूगु दामं दको नेपामि तय्गु ऋण पुला चलेयागु " नेपाल सम्बत " या महिषा ल्थुने लागु मदुनि । श्वहे " नेपाल सम्बत " प्रनि यणाबलिकारतय्गु सत्य घटनाया चुनौति खः । स्वार्थया भ्याहे बिचाः मयामे बहुजन 'हताय्या' उक्ति कथं चले यागु श्व सम्बत खः । अले उगु इया जुजु व साख्वाञ्जुभा महान त्यागया दसू नं खः । नापं अनेक मार फयानं थौं तकं भ्वानाच्वने फूगु जनप्रियया ज्वलन्त प्रमाण खः । उकिं फिया लुं जूगु दामं नेपामि तय्गु ऋण मुक्त याना " नेपाल सम्बत " चले यागु खँयात ऐतिहासिक रूपं मान्यता विय्हे माः । तर, " नेपाल सम्बत " या प्रवर्तक स्वैत माने याय्गु धँगु खँय् घाःसा पला न्ह्याकेगु थाय् मदुनि । विभिन्न विद्वान तप्सं वंशावली भात न्हयथना विभिन्न जुजुपित "नेपाल सम्बत" या प्रवर्तक जुजु माने याना च्वन ।

१) भाजु सूर्यचक्रम ज्वालीजुया वंशावली — जुजु जयदेव मल्ल^१

- २) भाजु ईश्वरराज अर्याल जु " " - जुजु नरेन्द्र देव^२
 ३) भाजु शकरमान राजवंशी जु " " - जुजु राधव देव^३
 ४) भाजु पुन्यरत्न वज्राचार्य जु " " - जुजु जयदेव^४
 ५) भाजु लिला भक्त मुनकर्मी जु " " - जुजु जयदेव मल्ल^५
 ६) भाजु चित्तरञ्जन 'नेपाली' जु " " - तृतीय जयदेव मल्ल^६

-
- १) नेपाल उपत्यकाको मध्यकालीन इतिहास - पृष्ठ २, २) नयां नेपालको इतिहास पृष्ठ - ३०, ३) लिच्छवि संम्बतको दिष्कर्ष पृष्ठ - ३२ ४) कीर्ति नखः चखः पृष्ठ - ६२, ५) मध्य कालीन इतिहास पृष्ठ - २०७ ६) सितु' अंक ३ पृष्ठ - ८

वंशावलीया धृगु भिन्नतां यांना इतिहासकार त नं विवे लाना
चवंगु खने दु । उकि अभिलेखया माध्यमं “ नेपाल सम्वत ” या
प्रवर्तक जुजु सु खः ? धेगु खेयात निष्कर्ष हयमाला चवंगु दु ।

वंशावली-विपरित

देशया ऐतिहासिकता लुइकेगु ज्याय भाषा - वंशावली - स्थान
गुलि महत्वपूर्ण जू । अले भाषा वंशावली “ नेपाल सम्वत ” प्रति
विया चवंगु चुनौति न उलि हे सत्य-प्रद खने दु ।

गुलि विद्वानतय्सं वंशावलीया घटनायात वांछया चवंगु दु ।
अले थःगुहे ताले, अन्दाजया भरे “ नेपाल सम्वत ” या चर्चा यांना
दथगु दु । स्वैदिसँ -

डा. लेवी -- ८ यात अशुभ माने याइगुलि शक सम्वत ८०१
यात ८ अङ्क सिकया १ निसँ मुरु यात । लिपा ध्वंत “नेपाल सम्वत”
घाइगु बमन जुल ।

भैरव बहादुर प्रधानजु -- नेपाल तिब्बतया अधिकार वांछया
स्वतन्त्र -- जुसेली न्हूगु सम्वत स्थापित यात । थ्वयात नेपाल सम्वत
घायी ।

कर्क पेट्रिक व बया अनुयायी -- नान्यदेवं नेपाले आक्रमण यांना
विजय जूगु लसताय् “ नेपाल सम्वत ” चलेयागु ज्वीमा ।

ऐतिहासिक दृष्टिकोणं स्वयंले थ्व फुकं धापू त सत्यया न्ह्यःने
ब्यासू हे खने दु । छायाःसा -

यदि नेपाभितय्सं ८ यात अशुभ माने याइगुहे खःसा नेपाल
सम्वत ८०१ थ्यंवेले नं १ निसँ मुरु याय् मागु खः ।

निम्नतया अधिने नेपाल लागु खप्नं नेपाःया वंशावली-धापू
मथ अगत्य हे खने दु । अले नेपाःया इतिहासकारतय्सं न थ्व खँयात
संशोधन यागु खने मदु ।^१

नान्यदेवया “ नेपाल सम्बत ” नापं छुं स्वापू मदु । थुकिया
प्रमाण नान्यदेवं नेपाःया सिमरौनगढ विजय याःगु नेपाल सम्बत
२१६-२१७ (ईस्वी १०९७) पासं छः । नान्यदेव व “ नेपाल
सम्बत ” या स्वापू मदु धौगु खँय् भाजु सूर्य विक्रम ज्वालीजुं नं बालक
विवेचना याना द्यूगु दु ।^२

थुगु प्रामाणिक कथं वंशावलि - विपरित न्ह्यःथना तःगु विद्वान
तय्गु धापूत तथ्य मज्जुसे कल्पना जक खने दु ।

“नेपाल सम्बत” प्रति विद्वान व इतिहासकारतय्गु धापू

“ नेपाल सम्बत ” उदार भावनां चले जूगु म्वत छः । नापं
राष्ट्रिय भावनां विलि-विलि जागु सवत छः । उकि थ्व “ नेपाल
सम्बत ” नेपाःया महत्वपूर्ण सम्बत छः । थजोगु महत्वपूर्ण म्वत जुया
नं थ्वया तथ्य ऐतिहासिक लुइकेगु ज्याय् कीपि त्युने हे लाना च्वन ।
थ्वहे कारण “ नेपाल सम्बत ” या तथ्य ऐतिहासिकता मातुमाला
लुइके मागु दु । थये ऐतिहासिकता लुइकेगु ज्याय् छसिकथं विद्वान
व इतिहासकारतय्गु धापूत नं अध्ययन याना स्वयंमागु दु । ---

१) स्व. मा हेमलाल जोशीजुया धापू --- नेपाल सम्बत चले

१) नेपालको अलोचनात्मक इतिहास -- ७२

२) नेपाल उपत्यकाको मध्यकालीन इतिहास पृष्ठ ३१-३२

जुया वंगु १०७५ दै फुत । कब्बला थ्व (अर्यान् कार्तिक सुदी)
 प्रतिपदा खुन्हु, थ्व सम्बत १०७३ वयन । उगु वखते अभय मल्लया
 कार्यपि निम्ह मध्ये तधिम्ह जयदेब मल्ल ललितपुर व कान्तिपुरया
 जुजु जुया च्वन । अथेहे चिधिम्ह आनन्द मल्ल भक्तपुरया । फिनि दो
 छेया शहर वाहेक नं भो, पनीति, आदि न्हय्पां बांलाक बसे
 याना अखण्ड किर्ति कया राज्य याना वंम्ह जुजु आनन्द मल्लया पालय
 छम्ह ज्योतिषं छगू साईत लुइकल । व साइतया बेलाय लुखू तिर्थे
 (भतिखु व विष्णुमनिया व्हने) फि कया हमा प्यन्हू खुन्हु स्वयंवेले
 लु जुया च्वान धयागु व सामुद्रिक ज्योतिषया खँय विश्वास याना
 आनन्द मल्लं ज्यामि व्छइ (फिया कु न कया हइ) । तर थ्व घनबा
 वल नेपाले गुकथं शंखधर उपनाम साख्वाल धवाम्ह छम्ह कान्तिपुरया
 फ वन्जानं “ नेपाल सम्बत ” चलेयाना वन थ्व सिक्बत थ्व
 एकांकीं मद्दत बी ।^१

२) भाजु पुष्परत्न वज्राचार्यजुया धापू -- “ ... फिया लु
 जूगु खना अले थःगु बिचाः कथं उक्ले येँ राज याना च्वम्ह जुजु
 जयदेब पाखें आज्ञा कया नेपाःयापि फुक्क ऋणिमि मनू तय्गु ऋण
 पुला विया “ नेपाल सम्बत ” नां यागु थःगुहे राष्ट्रिय सम्बत चले
 यात । उक्ले निसें वहे शंखधर (साख्वाल) यागु सुकार्य याना
 नेपामित वर्गवाद व जातिवादया आधारे नाम करण जुया च्वगु शक
 सम्बत, ठकुरी सम्बत व्यक्तिवादया आधारे नाम करण जुया च्वगु
 विक्रम सम्बत यात करंवर माने याय् माला च्वंगु ज्या नापं मुक्त
 छुल । बहे कारणं याना उगु तधंगु दिन यागु व ज्ञापामा लुमतिकथं
 “ म्हं पुजा ” याना उत्सव याय्गु धिति दुगु खः ।^२

१ ‘नेपाल पत्रिका’--दँ १ ल्या-४ पृष्ठ ३५ (नेपाल सम्बत ऐति-
 हासिक एकांकी)

२ जीगु नखः चख. (सफू) पृष्ठ ६२

३) भाजु चित्तरञ्जन नेपालीजुया धापू -- " ... थयेंतु
 वशावली नेपाल सम्बत ' तृतीया मल्ल शासक जयदेव मल्लसया पालय्
 वगाहे छह्य प्रजा शंखधर साख्वाल थः जुजुया सल्लां फिलु जूगु दाम
 गुरू यागु धका च्वैतगुलि थ्व सम्बतयात मल्ल कालीन सम्बत भापा
 नया सम्बत धागु ज्वी. गुगुकि सतहल्ले थाने छी स्वयंले मख्ये न
 मच्य । तर, थये तर्क संगति पूर्ण थें खने दवमां नेपालभाषा यात
 मल्ल शासकतय्स महत्त्व व्यगुलि नेवाभाय् धायगुलि गुलि तर्क
 संगतिपूर्ण जू उलि नेपाल सम्बत यात नेवा सम्बत धायगुलि आ तर्क-
 संगतिपूर्ण जू मवल । छाय् धामा नेपाल सम्बत वशावलीया धापू
 अनुसार मल्ल शासन कालय् (अर्थात् नेवा शासन कालय्) जूगु
 खः धंगु खे ऐतिहासिक तथ्य द्वारा खण्डित जुयालि मल्ल शासनया
 प्रादुर्भाव ज्वी करिब स्वस दै न्होहे ज्वी धुकूगु खः धका सिद्ध ज्वी
 धुकूगु दु ।^१

४) भाजु मनवज्र दज्जात्रायेंजुया धापू - नेपाले गुस दै यागु
 निच्छवि जुजु पिनिगु शासन (राज्य) ववचाय्वं न्हवंग जुजु
 पिनिगु क्रम वइ । थ्व न्हवंग जुजु पिनिगु उदय नापं नापं अगू न्हूगु
 सम्बत " नेपाल सम्बत " या नामं चले जूगु खने दु । थ्व न्हूगु रंश
 या जुजुपि मल्ल खः धंगु इतिहासकार तय्गु भनाई (धापू) दु ।^२

५) भाजु भैरव वहादुर प्रधानजुया धापू - " इतिहासज्ञ तय्गु
 राय अनुसार सम्राट हर्ष वर्धनया लिपा तिब्बती तय्गु आक्रमणया
 फल स्वरूप नेपाल नं तिब्बतया अधिने लावन । निस दै लिपा जक
 नेपालं तिब्बतया अधिकार वाञ्छया स्वतन्त्र जुइफत । नेपालं स्वतन्त्र
 जुसेलि न्हूगु सम्बत स्थापित यात । थ्वयात नेपाल सम्बत धायी ।^३

१ 'सिन्धु पत्रिका' दै १ ल्या ३ १०८५ लेख 'नेवा नेपाली पृष्ठ ८-९

२ नेपालको मध्यकालीन कला पृष्ठ १३९

३ मध्यकालीन नेपाल

६) भाजु लिलाभक्त मुनिकर्मीया धाः - "अतन्त मल्ल (हवपया जुजु) या पाले छम्ह ज्योतिषं चखु तिर्थे लु" वाहा वंगु खे जुजुयात जाहेर यात । जुजुन याकनहे ज्यामित वख्या फि काय्के वल्लत धंगु बाखे दु । थ्व बाखेकथं नेपाली सम्बत यात शंखर सम्बत चले यात धंगु खे नं थुकथं न्हयथना तःगु दु । लिच्छविकाले सोमवंशी (पालवंशी) जुजु श्री रावदेव यागु पाले ईस्वी सन् ८८० पाखे ज्योतिषी तय्सं ८ या अंक अशुभ घका विन्ति यात । जुजु राघवदेव नं थ्व अशुभ मदय्केगु विचा यात । थ्व इले निसें नेपाली अथवा नेवारी सम्बत चले जूगु खः । थ्व खे वेण्डाल यागु वंशावलीनं न्हयथना तःगु दु ।^१

७) भाजु ईश्वर राज बर्यालजुया धापू--नेपाल सम्बत जुजु राघव देवयागु पाले निसें चले जूगु खः । थ्व जुजु तधगु ज्या याना न्हू सम्बत चले यागु प्रमाण मल्लगुलि प्रो लेवीया धापू कथं ८ अशुभ भापिया ८०१ यात १ निसें सुरू यात धंगु खे मिले जूव । लिना थ्व खे लोमना न्हूगु सम्बतया रूपे ग्रहण यागु ज्वी ।^२

८) भाजु बालचन्द्र शर्माजुया धापू--राघव देव वागु शासनकाल ८८० इ पाखे खने दु । थुवले निसें हे नेपाली सम्बत चले जूगु ख धंगु कनिधमया धापू भ्रम मजू ।^३

९) भाजु N.B. थापाजुया धापू-- " ... नेपाल सम्बतया संस्थापक जयदेव मल्ल जुसा नेपाल सम्बत इश्री १२५७ पाखे जक सुरू जूगु जुइ । ... तर नेपाल सम्बत २० अक्टोवर ८८० इश्री पाखे निसें सुरू जूगु ख । थ्व इले जुजु राघवदेवयागु शासनकाल खने दु ।^४

१ मल्लकालीन नेपाल पृष्ठ ५

२ नर्बा नेपालको इतिहास पृष्ठ २७

३ नेपालको ऐतिहासिक रूपरेखा पृष्ठ १०७-१०८

४ "ए शर्त हिस्टोरी अफ नेपाल" पृष्ठ २४-२५

१०) वियोगमान श्रेष्ठजुया धापू--खवपया जुजु आनन्द मल्लया पाले भाके सम्बत ८०१ या योग लगन लुइका कायके वड्ठु विष्णुमति भा वंभानया फि साधारण जनता शंखत्र घैम्ह सिनं न्याना कया फि " जुगु दामं दको प्रजानयूगु ऋण पुला नेपाली सम्बत चलेयात घैगु मम दु । नेपाली सम्बत चले जूगु आनन्द मल्लया पाले धायबले ने. स. १-४४४ तकया दुने ५/६ गु जुजुपि (पुस्ता) तोफयूगु दु ।^१

११) भाजु सूर्य विक्रम जवालीजूया धापू--"यन यागु महाबोधि बहारे च्वंगु " प्रज्ञापारमिता " घैगु सकृति परम भट्टारक महाराजा-भा राज परमेश्वर शङ्कर देव राज्य धका ७ सूचक आखलं च्वैतगुलि थ नेपाल सम्बत हे ज्वी माः । नापं 'नेपाल सम्बत' जुजु शङ्करदेव यागु पालानिसें हे जूगु ज्वीमाः । तर थ्व विषय अऊं आपालं अनुसन्धान निपा जक निश्चित रूपं धापू फै ।"^२

१२) प्रो. दुर्णिजर'ज भण्डारीजूया धापू--"कनिधमया धापू हथं नेपाली सम्बत (नेवारी सम्बत) प्रारम्भ याम्ह राघवदेव हे खः । तर प्रो. लेवीया धापू कनिधमया धापू नापं विपरित जू । प्रो. लेवीं नपायागु इतिहासे राघवदेव यागु महत्ता स्वीकार मया । वैगु कथन बुकि यदि राघवदेव महत्वपूर्ण शासक जूसा अपो वंशावलीकार तयसं बैगु नां तोफिके मदुगु खः । थ्व निम्ह विद्वान तयगु धापू नं सवल (शक्तियाली) खने दु ।"^३

१३) मयूजु अम्बिका सिजापति एम. ए. जुया धापू--जयदेवया निपा नेपालया राजसिंहासने श्री वरदेव विराजमान जुल । ... श्री

१ ६ हजार वर्ष अगाडि द्वापरदेखि आजसम्म नेपालको वंशावली परिस्थिति पृष्ठ १६

२ नेपाल उपत्यकाको मध्यकालीन इतिहास पृष्ठ ७

३ नेपालको इतिहास पृष्ठ २६ २७

वरदेव लिपा नेपालया राजसिंहासने क्रमशः शङ्करदेव, धर्मदेव, वलिदेव व राघवदेव विराजमान जुल । थ्वहे जुजु राघवदेव नेपालया जनता तय्त अर्द्धाणि याना “ नेपाल सम्बत ” चले यात धँगु खँ इतिहासे खने दु ।^१

शङ्करमान राजवंशीरुया धापू- उत्तरी लिच्छविकालया लिपा नेपाले “ नेपाली सम्बत ” या प्रचलन जुल । थ्व सम्बत थौतकं नेवा तय्सं माने याना वैच्वंगु दु । आपालं नेवा तय्गु जन्म पत्रय् ‘ नेपाल सम्बत ’ यात हे प्रयोग याना च्वंगु दु । थौकन्हे पात्रोय् नं थ्व सम्बत यात चले याना वै च्वंगु दु, नापं नेवा भाषाया महीनाया नां नापं उल्लेख जूगु दु । थ्व महिना कथं थ्वैत “ नेवारी सम्बत ” घकानं धौच्वन । वास्तवे थ्व सम्बत नेपालया सम्बत ख; थ्वैगु ऐतिहासिक उपकरण तय्सं बयना च्वंगु दु । ... राघवदेवया पाले माछवाल घैम्हसिनं नेपालया जनता तय्गु दको ऋण पुला “ नेपाल सम्बत ” चले यात धँगु खँ मिले जूव ”^२

थुकथं “ नेपाल सम्बत ” गुकथं, गुबले चले जुल धँगु खँय् विभिन्न विद्वान व इतिहासकारतय्गु धापूनं विभिन्नता खने दया च्वन । अथे जूसां “ नेपाल सम्बत ” फिया लुँ जूगु दामं दको नेपामि तय्गु ऋणं मुक्त याना चले यागु ख : धँगु बहुमत कथं निश्चित जूगु जुल ।

“नेपाल सम्बत” या प्रवर्तक जुजु सु खः ?

‘ नेपाल सम्बत ’ या प्रवर्तक जुजु सुःख धँगु खँय् विवादया विषय जुया च्वन । खःला “ नेपा सम्बत ” या चर्चा याना दधूपि

१ नेपालको इतिहास पृष्ठ १६ १७

२ लिच्छवि सम्बत्को निष्कर्ष ३१-३३

पिपित्तं यस्मिं छम्ह छम्ह जुजु घस्वाकाहे च्वन । तर ऐतिहासिकताया पुरातन्योण छगू रूपे वय् मफया च्वन । थथे जूऱ्या कारण हे ' नेपाल सम्बत ' चले याना वंगुया अभिलेख मल्लगुलि खः । उकिं विद्वान तय्म घस्वाका तःपि जुजु पिनिगु राज्यकाल गणना याना स्वय् मागु न्हन । थथे विद्वान तय्सं घःस्वाका तःपि "नेपाल सम्बत" या प्रवर्तक भूगुणि थथे खः ।

१) जयदेव मल्ल

२) नरेन्द्रदेव

३) शंकरदेव

४) राघवदेव

५) तृतीय जयदेव

थ्व जुजु पिनिगु राज्यकाले गणना याय् न्हाणें नेपाल सम्बत छपलिगु परम्परा, विधि छु दु?, अले मेमेगु सम्बत त नापं "नेपाल सम्बत" या छु स्वापू दु? छसिकथं अध्ययन याय् मागु दु ।

सम्बत छपलिगु परम्परा विधि व थ्वया स्वापू

नेपाःया वशावली व जनश्रुती कथं नेपाले न्हू सम्बत छयनेत देशया दको जनता तय्त ऋणं मुक्त याय्माः । थ्वहे नेपाःया सम्बत छपलिगु परम्परा व विधि खने दु । थ्वहे ल्याखे अंशुवर्मा नं दको जनता तय्गु ऋण पुला ठकुरी सम्बत चले यात धंगु घापू दु ।^१ अले "नेपाल संवत" नं नेपालया दको जनता तय्त ऋणं मुक्त याना हंगु सम्बतया रूपे चले यागु खः धंगु निर्विवाद ज्वी घूंकल । नापं थो तकनं थ्व सम्बत चले जुयाहे च्वन । उकिं थ्व सम्बतया मेमेगु

१) नेपालको ऐतिहासिक रूपरेखा - बालचन्द्र शर्मा - पृष्ठ, ९८

सम्बत नापं गुक्तं स्वापू स्वाना च्वन धैगु खैय् छसिकथं अध्ययनयाना वने मागु दु ।

नेपाल सम्बत व शक सम्बत स्वापू गुक्तं खः अर्थात् नेपाल सम्बतं शक सम्बत छयलेगु विधि प्राचीन ग्रन्थे थुकथं न्हयःयना तःगु दु ।

१) नेपाल सस्थं नयनाभुनाग वर्ष क्षिदे देश शकाब्द कालः ।
नयनाभुनाग ८०२ तेषु वर्तमान सवत्सरं योज दय्मं शक
काल भवति ।^१ (ध्वया अर्थ नेपाल सम्बत + ८०२
अंक जम्मा यावले शक सम्बत पिहां वइ ।)

२) ऊँ नम सूर्याय । नेपाल संवत्सर कर्षं भूमी म्याप्प नय
नाभुनागा ८०२ संयोज्यं शक कालम्भवति^२ । (ध्वया
अर्थ नेपाल सम्बते + ८०२ अंक जम्मा यातकि शक
सम्बत ज्वी ।

ध्वय् उल्लेख जूगु निगू प्राचीन ग्रन्थया धापू कथं “ नेपाल
सम्बत ” या प्रादुर्भाव शक सम्बत ८०२ पाखे खः धैगु प्रामाणीक
जूगु जुल ।

ध्वहे शक सम्बत या त्याखें कलियुग शक सम्बत स्वया ३१८०
दै न्हयः चैत्र मास शुक्ल पक्ष प्रतिपदा छुन्हू प्रवेश जूगु खः ।^३ नेपाल
सम्बत चले जूगु कलि सम्बत ३१८० पाखे खः ।^४ ध्वहे कलि
सम्बतसरे ३०४४ अंक - घटे यातकि विक्रम सम्बत ज्वी । विक्रम

१ बीर लाङ्गिरीया संग्रह “ खण्ड खाद्य टीका ” प्राचीन ग्रन्थ

२ बीर लाङ्गिरीया संग्रह “ सुमति तन्त्र ” प्राचीन ज्योतिषी ग्रन्थ

३ भरतखण्ड और नेपाल शेषरसिंह गीतम पृष्ठ १३१-१३२

४ देवमाला वंशावली पृष्ठ ८

भाषा ३५ अरु - घटे यातर्कि अरु सम्बत पिहाँ वद ।^१ थ्व फुक
प्राचीन ग्रन्थया धापू त जुल ।

थथे हे ' नेपाल सम्बत ' नापं स्वापू स्वाका तःगु अभिलेख त
न मनुगु मख् । नेपाल भाषां हे किया तःगु जुजु जितामित्र मल्ल
पागु चवपया अभिलेख स्वै दीसैं -

“ श्री नेपाल सम्बत ७९८ श्री शक राज १६०० कलिगत
४७७९ विक्रमादित्य १७३५ आपाढ मासे शुक्लपक्ष दशम्यान्तिथौ
श्याति नक्षत्रे सिद्धि योगे “ तैल करणे बुद्धवासरे मिथुन रासि गते
शायतिर तुलाराशि गते चन्द्रमसि थ्व कुन्हा राजकुल याडा ।”

थ्व खप दरवारया नापं च्वंगु (लोह) हितिस स्थापित
अभिलेख खः ।^२

आ वथा “ नेपाल सम्बत ” न्हयः चले जूगु छगू सम्बत
याना च्वन । थ्व जुजु अशुवर्मा चले याना वंगु ठकुरी सम्बत खः ।
५४ सम्बत वि सं ६३३ (इस्वी १७९) पाखे चले जूगु खः घरा
आपालं इतिहासकार तयस माने याना च्वन ।^३

थथे च्वय् उल्लेखित ऐतिहासिक प्रामाणीककथं नेपाल सम्बत
या स्वापू थूकथं स्यता च्वंगु जुन ।

१) नेपाल सम्बत = कलि सम्बत्सर ३९८०

२) नेपाल सम्बत = शक सम्बत ८०२

१ इतिहास संशोधनको प्रमाण प्रमेय (पहिलो भाग) पृष्ठ ६७

२ इतिहास संशोधनको प्रमाण प्रमेय (पहिलो भाग) पृष्ठ ३६२

३ क - नेपालको आलोचनात्मक इतिहास - प्रो. ढुण्डिराज भण्डारी
पृष्ठ

ख - लिच्छवि संस्कृति - जगदीश चन्द्र रेग्मी पृष्ठ ६

३) नेपाल सम्वत = ईस्वी (सन) ८८०

४) नेपाल सम्वत = विक्रम सम्वत ९३६

५) नेपाल सम्वत = ठकुरी सम्वत ३८३

श्व स्वापूकथं विभिन्न सम्वतया ग्वाहाली कया राज्यकाल गणना याय् मागु दु । अले नेपाल सम्वतया प्रवर्तक जुजुयागुन निर्णय याय् मागु दु ।

जयदेव मल्लया राज्यकाल गणना

आपालं प्रचलित वंशावली “ नेपाल सम्वत ” या प्रवर्तक जुजु जयदेव मल्ल घका च्वै तल । श्व वंशावलीकार तय्गु भुल खः । छाया धासा, - “ नेपाल सम्वत नेपाले मल्ल वंशया अभ्युदय ज्वी ३०० दै न्ह्यो हे चले ज्वी धुकूगु खः । थुकिया प्रमाण मल्ल वंशया संस्थापक अरि मल्लदेव (अरिदेव) खः । श्वहे जुजुया राज्यकाले च्वया तःगु हस्तलिखित ग्रन्थ ११ गू प्रकाशे वगु दु । श्व ग्रन्थ तय्के नेपाल सम्वत ३२२ निसै ३३६ तक उल्लिखित जुया च्वंगु दु १ । आ वल जयदेव मल्लया राज्यकाल, -

जुजु जयदेव मल्ल, अरिलल देवया छय् अभय मल्लया काय खः । श्वहे जुजुया राज्यकाले च्वया तःगु निगू हस्तलिखित ग्रन्थत नं प्रकाशे वगु दु । १ पेटेया धापू कथं जयदेव मल्लया आसन काल (नेपाल सम्वत ३७७ आषाढ सुल्क ८ यिसै ३७७ माघ शुल्क ५ तक) २ दै व ८ ला खः । गोपाल वंशावली नं २ दै व ८ ला जक

१) नेपालको आलोचनात्मक इतिहास - पृष्ठ - १०२

२) क - “ करण्ड ब्यूह ” नामक ग्रन्थ नेपाल सम्वत-३७७

॥ १॥ लिखित जुया चवन । ध्व ल्याखं जयदेवया राज्यकाल स्वया ३७५
 ॥ २॥ लिखित ' नेपाल सम्बत ' चले ज्यो धुं'कूगु प्रमाणीत जुल । मेगु खँ
 आनन्द मल्ल, जयदेव मल्लया किजा मखु । नत अनन्तमल्ल आनन्द-
 ॥ ३॥ लिखित हे खः । अनन्त मल्ल, जयदेवया निगू पुस्ता लिपा जक
 ॥ ४॥ लिखित १ अले आनन्द मल्ल, अनन्त मल्लया ल्यू जक खने दु ।^१

यथे राज्यकाल गणना कथं “ नेपाल सम्बत ” या प्रवर्तक
 गूगु जयदेव मल्ल मखु धेंगु सिद्ध जुल ।

नरेन्द्रदेवया राज्यकाल गणना

नेपाःया छम्ह इतिहासकारजु नरेन्द्रदेव नाबं नेपाल सम्बतया
 बापू स्वाना विल । गुर्कियाना नरेन्द्रदेवयागु राज्यकाल गणना
 याय् मागु जुल । यथे नरेन्द्रदेव यागु राज्यकाल गणना याय् न्हापां
 राजवंशया काल विभाजन याय् मागु आवश्यक जुल । ध्वहे कारणं
 गूयाकोटे ठकुरी भास्करदेव नेपाः त्याके न्हयः तक लिच्छविकाल
 माने यानागु जुल । ध्वहे ल्याखँ लिच्छवि काले नरेन्द्रदेव छम्ह जुजु
 लिखित खने दु, -

१) नरेन्द्रदेव प्रथम

२) नरेन्द्रदेव द्वितीय

१) नरेन्द्रदेव (प्रथम) - ध्वया राज्यकाल वि. सं ७०३ पाखे
 खः ।^२ वि. सं. ७०३ धाय्बले नेपाल

१ नेपालको आलोचनात्मक इतिहास - पृष्ठ १०५

२ नेपालको आलोचनात्मक इतिहास - १११

३ इतिहास संशोधनको प्रमाण प्रमेय (पहिलो भाग)-पृष्ठ-६९

सम्बत चले ज्वी २३३ दै न्हयःयाम्ह
जुजु खने दु ।

२) नरेन्द्रदेव (द्वितीय) - ध्वया राज्यकाल वि. सं. १२०० पाखे
खः ।^१ वि. सं १२०० धाय्वले नेपाल
सम्बत २६४ पाखे याम्ह जुजु खने दु ।

थुगु राज्यकाल गणनाकथ नरेन्द्रदेव (प्रथम), नरेन्द्र देव
(द्वितीय) निम्ह जुजुन “ नेपाल सम्बत ” या प्रवर्तक जुजु मखु
धेगु सिद्ध जूगु जुल ।

१ जुजु शङ्करदेवया राज्यकाल गणना

छम्ह विद्वानं “ नेपाल सम्बत ” या स्वापू जुजु शङ्करदेव नाप
स्वाका विल । गुकि याना शङ्करदेव यागु राज्यकाल गणना याय्गु
आवश्यक जुल । थुकथं शङ्करदेवया राज्यकाल गणना याय्त नेपाःया
इतिहास अध्ययन याय्वले लिच्छविकाले शङ्करदेव धैम्ह निम्ह जुजु
खने दु—

१) शङ्करदेव प्रथम

२) शङ्करदेव द्वितीय

१) शङ्करदेव प्रथम — नेपाःया इतिहासे लिच्छवि कालया ऐतिहा-
सिक जुजु मानदेव (प्रथम) खः । शङ्कर
देव प्रथम, थ्वहे मानदेव (प्रथम) या
बाज्या खः । तर गोपाल वंशावली कथं
मानदेव (प्रथम) हे शङ्कर देव प्रथमया
बाज्या खः । स्वै दिसँ—^२

१ इतिहास संशोधनको प्रमाण प्रमेय (पहिलो भाग) पृष्ठ ७०

२ नेपालको आलोचनात्मक इतिहास पृष्ठ ४८

१) मानदेव (प्रथम) या चांगु नारायण स्थित अभिलेख-वृषदेवया काय् शङ्करदेव, शङ्करदेवया काय् घर्मदेव, घर्मदेवया काय् मानदेव (प्रथम) ।

५ गोपाल वंशावली - विश्व (वृष) देव, मानदेव, घर्मदेव, शङ्कर-
देव ।

अथे वंशावली भूल जूगुया कारण आपाल दँ न्हापायागु खँ आपाल दँ लिपा न्यनागु भरे च्वय् मागुलि खः । उकिं जीसं अभिलेख यात मान्यता विय्मागु खः । अभिलेख कथं मानदेव (प्रथम) या राज्यकाल शक सम्वत् ३८६ पाखे खः । “ नेपाल सम्वत् ” शक मान्यत ८०२ पाखे छले जूगु खः । उकिं शङ्करदेव (प्रथम) “ नेपाल मान्यत ” या प्रवर्तक जुजु मखु धंगु स्वतः सिद्ध जूगु जुल ।

१) शङ्करदेव द्वितीय — वंशावलिया धापू कथं थ्व वरदेवया काय् खः थुगु इलेया अभिलेख मलुनि-
सां तवि वरदेवया राज्यकाल गणना याय्त काश्मीरया इतिहास नं छगू बः
ब्यू । छायाघासा-थ्वहे जुजुया इले काश्मी-
रया जुजु जयपिड विनयादित्यं नेपाले
आक्रमण यागु खः । वरदेव व अरमुडी
छेम्ह नेपाःया छेम्ह हे जुजु खः । थ्व खँयात
कल्हणया “ राज तरंगिणी ” वजाय सवा
लया “क्रोनीकजी अफ नेपाल” पाखें प्रमा-
णीत जूगु दु । जयापिड विनयादित्ययागु
राज्यकाल सन् ७५६-८०७ तक मानेयाना
तःगु दु । वंशावली वरदेवया राज्यकाल
२३ दँ उल्लेख जूगु दु । थ्व ल्याखँ ८०७

+ २३ = ८३० इस्वी न्हयः वरदेवया
 राज्यकाल खने दु । अले शङ्करदेव द्वितीय
 या राज्यकाल १२ + ८३० = ८४२ इस्वी
 न्हयः खने दु । उकिं शङ्करदेव द्वितीय न
 "नेपाल सम्वत" या प्रवर्तक जुजु मखु धंगु
 प्रमाणित जूगु जुल ।

जुजु राघवदेवया राज्यकाल गणना

गुलि विद्वान् तय्सं कनिंघमयागु धापूपात समर्थन याना
 'नेपाल सम्वत' या स्वापू राघवदेव नापं स्वाका च्वन । तर
 ब्यापालं वंशावलि राघवदेव यागु नां हे तोफिका तल । उकिंहे प्रो.
 लेवीजुं नेपाःया इतिहासे राघवदेवयागु महत्ता स्वीकार मयागु ज्वी
 वय्क बागु धापू दुकि- यदि राघवदेव महत्वपूर्ण शासक खःसा
 वंशावलीकार तय्सं राघवदेवया नां तोफिके मदुगु खः । तर गोपाल
 वंशावली राघवदेवया नां उल्लेख जुया च्वंगुलि थूकि ठीसं राघवदेव
 यात नेपाःया जुजु माने याय्मागु दु । थये माने याःसां राघवदेवया
 राज्यकाल भिन्नता खने दया च्वन । —

१) गोपाल वंशावली - ४३ दै व ६ ला

२) प्रो. वेण्डालजुया " - ४६ दै व ६ ला

३) भाजु शकरमानजुया " - ६३ दै

प्रो. वेण्डालजुं राघवदेव निसें गुणकामदेव तकया दै १३५
 जूगु व गुणकामदेवया तिथिया ल्याखें मिले जू धका नेपाल सम्वतया
 प्रवर्तक जुजु राघवदेवयात मानेयागु खः । थय उलि ववात् मजू ।^१ आ

गणपतिपूजा धापू व गोपाल वंशावलीकथं राघवदेव निसैं गुणकाम-
नानाया ह यागु ल्याचा याता स्वय् -

गण्डालया धापू कथं १	गोपाल वंशावली २
गण्ड राज्यकाल दै - ला	दै - ला
राघवदेव (तृ) -- ४६ - ६	४३ - ६
गण्डदेव -- १० -	१० -
विष्णुदेव -- ८ - ९	८ - ९
नानादेव (द्वि) -- १ - ६	१ - ६
गणपतिदेव -- ६५ - ५	८५ - ६
१३२ - २	१४९ - ३

यथे ल्याचा मिले मजूसं नेपाःया आपाल विद्वानतय्सं कनिबमया
धापूकथं राघवदेव हे “नेपाल सम्बत” या प्रवर्तक जुजु छः घका माने
यानाचन । अन्वेषक भाजु शङ्करमान राजवंशीयुया धापू दुकि सुमति
मन्त्र नामक ग्रन्थे मानदेव ३०१ सम्बत अंकित जुयाचवंगु ल्याखं जुजु
राघवदेवया पाले नेपाल सम्बत चलेजूगु खें मिले जू । तर अभिलेखया
ल्याखं आपालं विद्वानतयगु धापू त मिले जूगु खनेमदु छाय्वासाः—

राघवदेवयागु अभिलेख मलुनिसां वया न्हयः यागु अभिलेख
जुगु दु । थ्व मोतिटार स्थित जलद्रोणी किया तःगु बलिदेव स्थापित
सम्बत २५० यागु अभिलेख ख । ३ थ्वहे बलिदेवलिपा राघवदेव जुजु
जुगु खने दु । अभिलेखे अंकित सम्बत २५० अंशुवर्मा चलेयागु ठकुरी
सम्बत छः । थ्वहे अभिलेखया ल्याखं राघवदेवयागु राज्यकाल थुकथं
थने दु । —

१ नेपालको ऐतिहासिक रूपरेखा पृष्ठ ५

२ नेपाल उपत्यकाको मध्यकालीन इतिहास पृष्ठ ५

३ नेपालको प्राचीन, अभिलेख- हरिराम जोशी ६३७

१) $२५० + ६३३ = ८८३$ वि. सं. पाखे राघवदेवयागु
राज्यकाल प्रारम्भ

२) राघवदेव यागु राज्यकाल ४३ दै ६ ला + ८८३ = ९२६
- ६ वि. सं. लिपा जयदेव (तृतीय) जुजु जूगु खने दु ।

ध्वहे ल्वाखं "नेपाल सम्बत" या प्रवर्तक जुजु राघवदेव खः धैगु
प्रमाण क्वातू मजू । वरू जयदेव (तृतीय) राज्यकाल पाखे खः ला
धैगु खने दु ।

जयदेव (तृतीय) या राज्यकाल गणना

अभिलेखया ल्याखं " नेपाल सम्बत " या प्रवर्तक जुजु
जयदेव (तृतीय) खः ला धैगु खने दुयें जयदेव (तृतीय) या राज्यकाल
गणना याना स्वयं मागु दु । यथे जयदेवया नापं तृतीय गुकथं वल
धैगु खं नं ध्वीके मागु दु । उकिं ध्व खंय् नेपाः या इतिहास अध्ययन
याय्वले लिच्छवि काले जयदेव नाम्ह जुजुपि स्वम्ह खने दु । -

१) जयदेव प्रथम - नेपाले लिच्छवि राजवंशया संस्थापक

२) जयदेव द्वितीय - ध्वैगु हे अभिलेखं ठकुरी सम्बत १५७
पाखे याम्ह जुजु खः ($१५७ + ६३३ = ७९०$ वि. सं. पाखे)

३) जयदेव तृतीय - ध्वैगु अभिलेख मलुनिसां वलिदेवया
ठकुरी सम्बत २५० या अभिलेखकथं वि. सं. ९३६ पाखे
याम्ह जुजु खः ।

थुगु ल्याखं जयदेव (तृतीय), नेपाल सम्बत प्रारम्भया इले
याम्ह जुजु खने दु । ध्वयागु राज्यकाल गणना थुकथं खने दु ।
स्वै दिसं,-

बालदेवया अन्तिम राज्यकाल = ठकुरी सम्वत २५०

राघवदेवया "	=	४३ दै - ६ ला
अपदेव (तृतीया) "	=	१० दै -
		<hr/> ३०३-६

ठकुरी सम्वत ३०३ - ६ तक जयदेव (तृतीय) या राज्यकाल
 गणना । ठकुरी सम्वत ३०३ - ६ धाय्वले ३०३ - ६ + ६३३ =
 १,१९६ वि. सं. खः । थ्वहे ल्याखं जयदेव (तृतीय) "नेपाल सम्वत"
 ॥ प्रबर्तक जुजु ज्वीमाः घैगु आशाया चुलि जागु जुल । अले 'नेपाल
 ॥ १११' यागु नं निष्कर्ष सतिगु जुल याय् मागु दु ।

"नेपाल सम्वत" या निष्कर्ष

राज्यकाल गणना कथं "नेपाल सम्वत" या प्रबर्तक खने दय्क
 बाह्र लिच्छवि जुजु जयदेव (तृतीय) खः । अले थ्वहे ल्याखं "नेपाल
 सम्वत" या प्रारम्भकाल अर्थात् चले जूगु इ; लिच्छविकाल खः ।
 थ्व थ्यं ऐतिहासिकताया माध्यमं निष्कर्ष याय् मागु दु ।

अभिलेखया ल्याखं स्वयं जयदेव (द्वि) या पशुपति स्थित
 ठकुरी सम्वत १५७ (१५७ + ६३३ ७९० वि. सं.) यागु अभिलेख
 महत्वपूर्ण जू । छायाघासा, थ्व अभिलेखे लिच्छवि जुजुया वंशक्रम
 अस्फुट जुया च्वंगु दु ।^१ थनं लिपा लिच्छवि जुजुपनिगु वंशक्रम क्रिया
 १: गु अभिलेख खनेहे मदु घासां ज्यू । उकिं इतिहासकार तय्सं जयदेव

१ क) नेपालको प्राचीन अभिलेख-हरिराम जोशी पृष्ठ ५७७-५८९

ख) नेपालको आलोचनात्मक इतिहास पृष्ठ ४४

(द्वि) या लिपा ऐतिहासिकताया माध्यम वंशावलिमातहे माने याना च्वंगु दु ।^१ यथे जयदेव (द्वि) या छु वंशक्रम लिपा जयदेव (तृतीय) तकया लिच्छवि जुजु पिनिगु वंशक्रम यथे खः । -

बरदेव, शङ्करदेव, वर्धमानदेव, बलिदेव, राघवदेव, व जयदेव (तृतीय) ।

तर वंशावलि धाःसा छगूथें छगू मिले मजू । राइटया वंशावली बलिदेव लिपा जयदेव (तृतीय) जूसा वेंडालया वंशावली बलिदेव लिपा राघवदेव, राघवदेव लिपा जयदेव तृतीय खने दु । गोपाल वंशावली न राघवदेवया नाम अङ्कित जुया च्वंगु दु । बलिदेवया ललितपुर मोतीटार स्थित जलद्रोणी किथातःगु ठकुरी सम्वत २५० यागु अभिलेखया त्याखें राघवदेवयात नेपाःया जुजु माने याय्वले "नेपाल सम्वत" जयदेव (तृतीय) या पा पाले चले जूगु खने दु । उकि ऐतिहासिकताया माध्यम छसिकथ अध्ययन याय्मागु जुल ।

दकले न्हापां वलिदेवया अभिलेखयात हे अध्ययन याना स्वयं-बलिदेवया अभिलेख उत्तर —

- “ १) ऊँ पञ्चाशता समधिक सम्वतसरशतद्वये
 २) प्रथमाषाढ मासस्थ द्वितीय दीबसे
 ३) जल द्रोणिरियं शैली पातिता दक्षिणमुखा
 ४) श्री मताय बलीराज्ञा राज्ञा पुण्याभिवृद्धये । ”

ध्व अभिलेखयाखँय् भाजु हरिराम जोशीजुया धापू दुकि — ध्व अभिलेख उत्तर प्राचीन कालीन नेपाःया छम्ह न्हूम्ह शासक यागु जानकारी प्राप्त जू ।^२ तर ध्व धापू वंशावली विपरित खने दु । छाय्

१ क- नेपालको ऐतिहासिक रूपरेखा - पृष्ठ

ख- नेपालको आलोचनात्मक इतिहास - पृष्ठ - ७७

२ नेपालको प्राचीन अभिलेख - पृष्ठ - ६३७-६३८

॥ ॥ प्रताप मल्ल ने. सं ७७४ यागु हनुमान ढोका स्थित
 नलिपि न प्रताप मल्ल मज्जेसे " प्रतापेन राजा " अङ्कित जुयाच्वंगु
 ॥ ॥ अलिखया उतार -

मनु लिपि लिखितम् यदपदय मत्पद भुतम्बे
 कविकुल मुकुटेन श्री प्रतापेन राजा । समवर्ति
 यद्भवयो वाच इत्वार्थ कर्ता ॥ निगदित मति विज्ञेता-
 म्पथाधीर वाच ॥ १

यागु ल्याखँ अभिलेखे " वलिराजा " अङ्कित जूसां थ्व
 ॥ यागनीया वलिदेव जुजु यागुहे अभिलेख खः " राजा " शब्दया
 ॥ ॥ जुजु आजा खः । निक राजा अङ्कित जूगुया कारण थ्व जुजु
 ॥ ॥ वलिदेवया अन्तिम राज्यकालया घोषणा खने दु । थ्व अभिलेखयान
 ॥ ॥ वलिदेवया अन्तिम राज्यकाल गणनाकथ जयदेव तृतीय तक
 ॥ ॥ यागकाल थुकथ खने दु । -

वलिदेव अन्तिम राज्यकाल = ठकुरी सम्बत २५० वि. सं. - ८८३-

वलिदेव " = ४३-६ - ४३-६

वलिदेव तृतीया " = १०- - १०

ठकुरी संवत ३०३-६ वि सं १३६-६

थुकथ अभिलेखया ल्याखँ नेपाल सम्बत वि. सं. ०३३ ठकुरी
 सम्बत ३०३ पाखे चले जूगु खने दु । " नेपाल सम्बत " या प्रारम्भ
 कार्तिक शुल्क १ (प्रतिपदा) खुन्हु खः ।^२ उर्कि लिच्छवि काले
 ॥ ॥ दै (वर्षारम्भ) माने याइगु ऐतिहासिकता अध्ययन याय् मागुनं
 ॥ ॥ आवश्यक जुल । थ्व खँय् भाजु शंकरमान राजवंशी जुया धापू दुकि-
 ॥ ॥ लिच्छविकाले न्हूगु दै (वर्षारम्भ) कार्तिक नित्त माने याइगु

१ ६ हजार वर्ष अगादि द्वापरदेखि आज सम्मको वंशावली- पृष्ठ ७०

२ सप्तलको खोजमा- स्वयम्भुलाल श्रेष्ठ- पृष्ठ २७

ऐतिहासिकता खने दु ।^१ कार्तिक निसें न्हूदें (वर्षारम्भ) मां याइगुकथं जयदेव (तृतीय) या राज्यकाल वि. सं. ९, ६ चैत्र महि तक खने दु ।

आ जनश्रुती कथं छकनं विचाः याता स्वयं । जनश्रुती कथं “नेपाल सम्बत” या प्रवर्तक लिच्छवि जुजु जयदेव (तृ) खः धैगु सत्त्वप्रद हे खने दु । छायाभासा— नेपाल सम्बतया प्रवर्तक जुजु जयदेव खः धैगु सकसियां म्हुतुं पिज्वया च्वंगु हे खः । खालि मल्लकाले वंशावली च्वपिसं जक ‘जयदेव’ या नापं मल्ल सभ्यताया आकर्षणं मल्ल स्वाकूगु ज्वीमा । नत्र वंशावलीकार तय्सं “नेपाल सम्बत” प्रवर्तक जयदेव मल्ल धका च्वयगु छुं आधार हे मदु । छायाभासाः “ नेपाल सम्बत ” जयदेव मल्लया राज्यकाल ३७५ दै न्ह्योहे स्वया चले ज्वीमा धुकूगु खः ।

थथे अभिलेख, न्हूदें छघालिगु ऐतिहासिकता व जनश्रुती कथं नेपाल सम्बतया प्रवर्तक जुजु जयदेव (तृतीय) निष्कर्ष जगु जुल । अथ “ नेपाल सम्बत ” लिच्छविकाले चले जगु खः धैगु खे नं प्रमाणी जगु जुल ।

“ नेपाल सम्बत ” या विकाश क्रम

“ नेपाल सम्बत ” प्रारम्भ उत्तर लिच्छवि कालिन धैगु निर्णय जूथें थ्वया विकास क्रम नं विचाः याय्मागु जुल । ऐतिहासिक दृष्टिकोणं विचाः याता वने वले उत्तर लिच्छवि कालि निसें थौतक प्यंगूकाले विभाजन याय्मागु आवश्यक जुल ।

- १) लिच्छवि काल
- २) ठकुरी काल
- ३) मल्ल काल
- ४) शाह काल

१) १५५५ धि काल- नेपाल सम्बत सिच्छवि - उत्तरकाले चले जूगु
 १५: । ध्व इले " नेपाल सम्बत " यान राष्ट्रिय सम्मान
 । । पित जूगु खने दु । थुनिया प्रमाण तसितपुर मंगमववार
 । यना जलद्रोणीया अभिलेख ख: । भजु हरिराम जोशीजुया
 गागु दुकि-ध्व अभिलेखे अङ्कित सम्बत " नेपाल सम्बत ८ '
 ख: । र ध्व अभिलेखया सम्बत निर्णय ज्वी न्ह्य: 'लंकावतार'
 ग्रन्थे अङ्कित सम्बत २८ व " प्रज्ञापारमिता " ग्रन्थे अङ्कित
 सम्बत ४० यात नेपाल सम्बतया न्ह्यापांगु प्रयोग माने याना
 तःगु ख: ।

२) ठकुरी काल - ठकुरी राजवंशयात वंशावली नुवाकोटे ठकुरी
 राजवंश धका नं न्ह्यःथना तल । ध्व वंशया संस्थापक
 (न्ह्यापाम्ह) जुजु भास्करदेव ख: । ध्व जुजु अंशुवर्माया
 मन्तान ज्वीमा: र थुगु काले यना थकूगु अभिलेखे व च्वेतःगु
 ग्रन्थे " नेपाल सम्बत " यागुहे प्रयोग जुया च्वंगु दु । उकि
 ध्व इले " नेपाल सम्बत " व्यापक प्रचार व जनप्रिय ज्वी
 थुगुगु ज्वी । गुकि याना ठकुरी जुजुपिसं न "नेपाल सम्बत"
 यात " राष्ट्रिय सम्बत " या उपाधि प्रदान याय् माल ।

३) मल्लकाल - मल्ल जुजुपिसं " नेपाल भाषा " यात देवभाषा
 । । भाषा आदि उपाधि पुद्का अभिलेखे हे अङ्कित याना विल ।
 ध्व " नेपाल सम्बत " यातनं राष्ट्रिय सम्बतया रूपे सम्मान प्रदान
 थुगु जुल । थुनिया प्रमाण -

१) मुद्रा (धेवा) राजवंशया किपा ख: । अले देशया इतिहासनं ख: ।
 मल्ल जुजुपिसं थःथगु मुद्राय् 'नेपाल सम्बत' हे छाय्के बिल ।

१) नेपालको प्राचीन अभिलेख-पृष्ठ ६४१-६४५

२) नेपाल उपत्यकाको मध्यकालीन इतिहास पृष्ठ २०

२) अभिलेख नं देशया तथ्य इतिहास खः । मल्ल काले स्थापित गुलिन अभिलेख त दु, उकी “ नेपाल सम्बत ” हे छ्यल तल । मेमेगु सम्बत यात स्वापू स्वाका त.सां “ नेपाल सम्बत ” यात हे न्हापांगु थाय्‌विद्या राष्ट्रिय सम्मान प्रदान याना तल ।

३) ग्रन्थ व वंशावली नं इतिहासया छगू माध्यम खः । मल्लकाले च्वैतःगु हस्तलिखित ग्रन्थ व वंशावली “ नेपाल सम्बत ” हे प्रयोग जुया च्वन ।

४) पुलां भों तयगु नं इतिहासिकयाया क्वले छगू महिमा दु । मल्लकाले च्वैतःगु दानपत्र, वदापत्र, ल्याचा पत्र, तमसुक आदि “ नेपाल सम्बत ” हे प्रयोग जुया च्वगु दु ।

शाहकाल -- अनेक राज्ये विभक्त ‘नेपाल’ यात वडा महाराजाधिराज श्री ५ पृथ्वी नारायण शाहदेव पाखे छगू न्हूगु राष्ट्रया रूपे निर्माण जगु जुल । थुकि वडा महाराजा धिराज श्री ५ पृथ्वी नारायण शाहदेव यात “ नेपाल निर्माण ” या रूपे माने याना च्वन । थनं निसैं थौतक “ नेपाल सम्बत ” या विकाश क्रम मुकथं न्ह्यात धेगु खँय् स्वगू कचाय् विचाः याप्मागु जुल ।

१) श्री ५ पृथ्वीनारायण शाह देव निसैं प्राइमिनिष्टर जङ्ग बहादुर कुँवर यागु उदय ज्वी न्हयः तक - छगू कचा खः ।

२) प्राइमिनिष्टर जङ्गबहादुर निसैं प्रजातन्त्र ज्वी न्हयः तक निगू कचा खः ।

३) प्रजातन्त्र निसैं - थौं तक स्वंगू कचा खः

छगू कचा - भाजु सूर्य विक्रम ज्ञवालीया धापू कथं - वडा महाराजाधिराज श्री ५ पृथ्वी नारायण शाह देहया नेपाल विजय लिपा राजकियस्तरे पहाड - प्रदेशे प्रचलित शक सम्बत

गा। ॥ मान्यता दुगु जुल ।^१ तर विगोमान श्रेष्ठजुया धागु
गा। ॥ - गोर्खाराजा पृथ्वी नारायण नेपाल प्रवेश ज्वी धुंका
ग। ॥ नाप व्याहा चले याय्गु कुतः जूगु जुल । नवात
गा। ॥ मज्जु^२ थुकिनं नेपाल सम्वत प्रति छुं असर लाय् फूगु
गुं जुल । यथे राजकिय स्तरं मान्यपा मदुर्थे च्वंसां व्यवहारिक-
ताय् दुहे धाय्माः छाय् घासा --

१) थुगु इलेया पिये - अभिलेख तय्के " नेपाल सम्वत "
प्रयोग जुया च्वन ।

२) पुलां भो अर्थात नेपाल भाषां च्वं तःगु व " नेपाल
सम्वत " अङ्कित भो तय्गु प्रमाणकयं अड्डाखानाय्
कारवाइ जुया च्वंगु जुल ।

गा। कचा -- थ्व राणा शासक तय्गु जगजगी खः । अपि श्री ३
विभूषित जुया च्वन । थ्व श्री ३ या संस्थापक जङ्गबहादुर
खः । नेपाले राणा शासक तय्सं १०४ दै तक एक तन्त्रीया
रूपे शासन यात । जङ्गबहादुर नेपाली शासने सर्वेपर्व
जूसेलि नेवा व खय्या व्याहा चलेयाय्त सिद्धिमान वर्णन
पाखे आपालं कुतः याकूगु जुल । तर थुवले नं नेवा त माने
मज्जुल ।^३ थ्वहे तमं मखाःज्वी मुलुकी ऐन दय्कू वले
' नेवा ' तय्त दकले कवय् लाका विल । अल व्यवहारिक-
ताय् दयाच्वंगु " नेपाल सम्वत " यागु मान्यताय् नं बन्देज
तया विल ।^४ श्री ३ चन्द्र शमशेर वि सं १९६० निसं राज-

१ नेपाल उपन्यासको मध्यकालीन इतिहास पृष्ठ ८

५ १ हजार वर्ष द्वापरदेखि आजसम्म वंशावली परीस्थिति पृष्ठ ४९

६ १ हजार वर्ष द्वापरदेखि आजसम्मको वंशावली परिस्थिति पृष्ठ ५०

७ १ गद्यः यागु वाकुनी भोयात जक मान्यता वीगु धका मुलुकी ऐन
कागज जांच महले न्ह्यथना वील ।

स्तरं चले जुया च्वंगु शक सम्बत यात वाठर्या उत्तर
भारते चले जुया च्वंगु विक्रम सम्बतयात मान्यता बिया
दिल । थनं मिया नेपाल भाषा कययमने नेपाल सम्बत
प्रयोग यापमने धंगु सूच नाप भाषा साहित्य मेबरक तयन
तःधंगु खाच्चन विल । तर न्हयाकब न्हयाकब क्युसा नेवा-
तयस नेपाल भाषा च्वयंगु व नेपाल सम्बत प्रयोग यायंगु,
याना हे वंगु जुन ।

स्वंगुगु कचा - ०७ साल फाल्गुण ७ गते जनक्रान्तिया फल स्वरूप
नेपाले प्रजातन्त्र बल । थ्व जनक्रान्तिया नेतृत्व श्री ५
त्रिभुवन यागु खः । थुकि राष्ट्रपिता श्री ५ त्रिभुवन यात सुं
नेपालि तयस लोमके फंगु खै मखु । थये प्रजातन्त्र बय् थुका
नेपाल प्रत्येक क्षेत्रे अर्थात् धार्मिक, राजनीति, सामाजीक,
आर्थिक, सांस्कृतिक क्षेत्रे परिवर्तन बल, जुन । भले प्रशासन
शुलितक परिवर्तन बलकि जनता यागु सेवाहे प्रशासकया
कर्तव्य खः । तर न्हयाको परिवर्तन वसां राणा शासक तयस
वेताले छयंगु विक्रम सम्बत यात परिवर्तन याना राष्ट्रिय
सम्बत छयलेगु ज्याय परिवर्तन हंगु छने मदया च्वन । भाजु
शंकरमान राजवशीजूया धापू-दुकि- विक्रम सम्बत जांगु सम्बत
मखु, इतिहासया ज्ञान दयालिबसे थ्व लिच्ने लानावनि ।^१ थौं
कन्हे • न्हूदं म्हं पुजा 'धका " नेपाल सम्बत " या लुमंति
कथं देय्दस सम्मेलन, गोष्ठी आदि त्वा' त्वाःले धेधे जुयाच्चन ।

“नेपाल सम्बत” व “म्हंपुजा” या छगू स्वापू

‘नेपाल सम्बत’या जन्म म्हं पुजा (खुन्हु) खः । “म्हंपुजा” हे
नेपाल सम्बत छयंगु लुमती हुना वै च्वंगु नखः खः । “नेपाल सम्बत”

फिना लुं जूगु दोम यको नेपापि तय्त्त ऋणं मुक्त याना चले यागु सम्बत खः । यउयोगु ऐतिहासक तथ्ययात श्राद्धया गुलिसिनं वलि राजा न पं स्वाकेगु कुतः, जूगु तु । ' अले गुलिसिनं गोवर्धय पुत्रा नापं न स्वाकेगु कुतः मङ्गु मण्डु । यथे जूगु या कारण स्वंगू पूजानं छन्दु हे लाना च्वंगुनि खः । उकि थ्व पुजाया महीमा छु खः पौराणिक ग्रन्थ व वंशावली तय्गु अध्ययन याय् मागु आवश्यक जुल ।

वलि पुजा - पौराणिक ग्रन्थ कथं थ्व बलिराज्या लुमन्ती हुना वै च्वंगु नखः खः । पौराणिक ग्रन्थ न्हयः थना तःगु बाखंया सारांस थथे खः, - उगु इले वलिराजा दैत्यया कुले जन्म जूमां प्रजा हितकारी व दानिम्ह जुजु खः । वैगु दान पुथ्यया प्रभावं स्वर्ग नाप विजय यात । अले विष्णु भगवानं इन्द्रया रक्षार्थं वामन रूप कया छल याय्माल । न्ह्याम्हसिनं न्ह्यागु पवसां वीम्ह वलिराजा याके बामन रूपि विष्णु स्वर्गला जक पवन । जःगु पलाखं स्वर्गं छगुलि त्वपुन । खःगु पलाखं मय्यंमण्डन छगुनि घय्सुना काल त्यंदनिगु छपला गन तय्गु धका यवने वनि थःगु छपने फया विल ! थथे दानी व त्यागी ज्वी फूम्ह वनि खना विष्णु लय्नाल । वर पवनेगु वच जुन । वलिनं जित छुं म्वा धका प्रजा तय्गु निति कार्तिक शुक्ल चतुर्दशी, औषी व प्रतिपदा खुन्दु तक सुनां मत च्याका दीपाबलि माने याइ वंगु छें लक्ष्मी स्थिर ज्वी माल धका वर पवन ! थुकि बलिबा प्रजा तय्सँ थ्व स्वन्दु तक मत च्याका वलि राजाया लुमन्ती नखः हुनेगु यात । थ्व पुजा पद्धति कथं नं मिले जूगु खने दु ।

गोवर्धन पुत्रा - थ्व द्वापर युगया अन्त्यनिसें चने जूगु खने दु । ग्रन्थे न्हयः थना तःथें बाखंया सारांस थथे खः - “ उगु इले गोकुल निवासी तय्सँ इन्द्रयात पुत्रा याय्गु जुया च्वन । कृष्ण इन्द्रया

वदना सायात धौय् वीन्ह गोवधन पहाडयात पुजा याके विल ।
 थःत अपमान यागु खना इन्द्र गोकुल निवासी तय् न ख्याय्त
 तच्चत वा गाय्का विल ' कृष्ण वहे गोवधन पहाड लहना
 गोकुल निवासी तय्गु रक्षा यात । कृष्णया पुरुषार्थ खना इन्द्र
 वया क्ष मा पवन । अले कृष्ण गोवधन पहाडया नाप इन्द्रयात
 नं पुजा याय्गु यिति दय्का व्यूगु जुन ।" श्व पुजा पद्धति कथं
 नं मिले जूगु खने दु ।

म्हं पुजा-- म्हं पुजा छाया याय् मागु धैगु छाया जीगु वंशावनिया धापू
 थये दु -- " फिया लु जूगु दामं साख्वाल धैम्हमिनं जुजुयागु
 उजकया दको नेपामि तय्त ऋणं मुक्त यात । अले धूमधामं
 उत्सवयाना " नेपाल सम्बत " या नामं छगू न्हंगु सम्बत छयल ।
 थुनिया लुमंति " म्हं पुजा " या नाम नखः हनेगु यिति
 जूगु जुल ।" पुजा पद्धति कथं स्वय्वले नं थ्व खँ मिले जू ।
 शब्दया अर्थ कथं नं ऊन मिले जूगु खने दु । म्हं पुजाया अर्थ
 थःगु आत्मा पुजा याय्गु खः । आत्मा पुजा याय्गुया रहस्य
 स्वतन्त्रता उला कयनेगु खः । उकिं थ्व ' म्हं पुजा' या थःगुहे
 विशेषता दया च्चन ।

यानं अर्थात छोने स्वय्वले वलि पुजा, गोवधन पुजा व म्हं पुजा
 छन्हुं हे खः सां थुनिया उदेश्य छगू हे मखु धैगु पौराणिक ग्रन्थ व
 वंशावलि या धापू कथ प्रामाणिक जूगु जुल । ऐतिहासिक दृष्टिकोण
 स्वय्वले म्हं पुजाया स्वापू नेपाल सम्बत नापं हे खः धैगु न
 निविवाद जू । नेवा तय्सं थौं तक थ्व " म्हं पुजा " नखः हना वै
 च्वंगु हे दु । थ्व ल्याखँ नेपाल भाषा नापं नं थ्व "म्हं पुजा" अर्थात
 " नेपाल सम्बत " या क्वातुगु स्वापू स्वाना वै च्वंगु खने दु ।

‘नेपाल सम्बत’ व नेपालभाषाया स्वापू

नेपाल नाम सिद्ध जूकि “ नेपाल भाषा ” नेपाल देशया प्राचीन भाषा खः । अले ‘ नेपाल सम्बत ’ थःगुहे सम्बत खः । उकिं नेपाल सम्बत व नेपालभाषाया स्वापू ला व नुसिथे स्वाना च्वंगु खः । थुकथं धायवले नेपाल भाषाया प्राचीनता ‘ नेपाल सम्बत ’ ती जक खः ला धैथे भ्रमे लाय् फू । उकिं थनयाय्लाक वांलाक बिचाः याय्मागु दु ।

थौंकहे ‘ नेपाल सम्बत ’ चलेजूगु १०९५ दै जक दत । तर नेपाल भाषाया प्राचीनता किंवदन्तीकथं ५००० दै पुलां खने दु । उकिं थ्व ‘ नेपाल भाषा ’ नेपाल देशया पुलां भाषा अर्थात किरातीकालीन न्ह्योयागु भाषा खः । ऐतिहासिक दृष्टिकोणं थुकिया छुं प्रमाण मदुसां अन्वेषणया छगु अग किंवदन्तीहे थ्वया प्रमाण जुया च्वन । थथे किंवदन्तीया ऊवले नेपालभाषाया स्वातूगु स्वापू यल क्वालखु- ‘ बउगाल ’ व ‘ च्यासल ’ टोल खः । हेमराज शाक्यजुया धापू दुकि- किराती जुजुं तय्स यलया जनतातय्त बिना कारणं दुःख ब्यूगुलि क्वालखुया ‘ बउगाल ’ कबचहा त ब्वया वया किरातीतय्त लिना यकल । यको किरातीतय्त न्याना स्याना विल । च्यासम्ह किरातीत सीगु थाय्या नां हे च्यासल टोल जुल । ^१ भाजु हरिराम जोशीजुया धापू दुकि-नेपाल भाषा शब्दतय्गु प्रयोग न्यागूगु शताब्दि ई. या आरम्भनिसँ क्रमीक रूपं (अभिलेखे) वैच्वंकथं नेवा भाय्यागु उगुइले (लिच्छविकाले) उन्नता-वस्थाय् ध्यने धुकूगु खनेदु । ^२ नेपाल भाषाया प्राचीन ग्रन्थ मालेगु अभियाने लुयावगु उत्तरी लिच्छवि कालया छपु श्लोक स्वँ दिसँ-

१ शान्ति-विजय (अङ्क २) १०८६ पृष्ठ ५७, ५८

१५ २ नेपालको प्राचीन अभिलेख- पृष्ठ ६२५

श्री गणेशायनमः ।।

गनपति गननाथ, आदि नाम गनेसं ।

जसिक स्वल दिवानं, दंत हिनं छक्षेसं ।

गयिन जुल सभासं, छुं गवाल प्रकाशं ।

भगतया जुल आसं, याव जि विधन नासं ।

(नेपाल सम्बत स्वस्ती)

नेपाल सम्बत स्वस्ती धाइबले थ्व नेपाल सम्बत प्रारम्भ इ यागु खने दु । अजें थ्वया न्हयः च्वया तःगु नेपाल भाषा प्राचीन ग्रन्थ त दय्मागु खः । थ्व खैय् भाजु प्रेमवहादुर कसा जुया घापू दुकि-शम्शुद्दीन या नेपाल आक्रमण ... अले शंकराचार्य र अमर वांडायागु त्वापू आपा साहित्य (ग्रन्थ) चुइके यंकल जुइमा । ^१ ग्रन्थ या दुकुहे बौद्ध-विहार खः । अमिसं स्यंका वंगुनं बौद्ध विहार जूगुलि ठीगु साहित्य (ग्रन्थ) लुईके मफूगु खः । नेपाल भाषा नेपाल देशया प्राचीन भाषा खः धैगु ऐतिहासिक कथं खने दु थ्वहे त्याखं मल्ल जुजुपिसं थ्व भाषायात “ देशभाषा , राजभाषा ” या नाम अभिलेखे अङ्कित याकूगु जुइ । अले भाषा साहित्यया दुकु जाय्का थकूगु जुइ । नत्र मल्ल जुजुपिसं नेपाल भाषायात यथे प्रोत्साहन बी मागु छुं खने मदु । छायासा— मल्ल जुजुपि नेवा मखु । यथे घायमागुया मतलब छु घासा भ्रम जुया च्वंगु खं यात उला वयनेगु खः । ‘ नेवा ’ सु धाय्बले नेपालया निवासी ख । “नेपाल वासीया” संक्षिप्त रूपहे नेवा खः । गथेकि सिद्धिमानयात सिमा, हर्षमान यात “हर्षमा” धाइगु शीतकनं प्रचलने वया च्वंगु छगू उहाहरण ख वंशावलीकार तयसं भुल यागुया कारणं गुलिसिनं नान्यदेव लिसे वर्पि नायर त हे आलान्तरे नेवा जुल धैगु तर्क पिर्हावैच्वन । नान्यदेव नेपाःया छुं प्रान्ते जक आक्रमण यागु खः । गुगु सिमरीनगढ नामं प्रशिद्ध जुया च्वन । नान्यदेवया

आक्रमण तं नेपाल सम्बत ९ मज्जेसे २१६-२१७ पाखे खः । थये जूगुया कारण नान्यदेवया आक्रमण तिथि श्लोक ल्हव्वस काबले " नन्द " आखः निगः तोपयूगुलि ख । " नन्देन्दु शुभ्य भक्ति सम्मित शाक वर्षे " ज्वीमा थाय् इन्दुश्च सोम वसु सम्मित शाक वर्षे " जूवन ।^२

ऐतिहासिक दृष्टिकोणं स्वयंभवे मुसमासयगु आक्रमणं वचे ज्वीन हरिसिंहदेव सिमरौनगढ कुल देवता तलेजु व थःगु फौज ज्वना नेपाः पाले स्वया वल । थुकथं नेपाले हरिसिंह देवया पाले नायरत द्वाहां वल । उकिं ध्व नायरया परिवर्तित रूप नेवा मखु नाय् खः ।

नेवाया अर्थ नेपावासी अर्थात् नेपाले वसोबास याना च्वपि सकलें खः ।

नेपाल सम्बतया स्वापूकथं विभिन्न 'सम्बत' या छगू अध्ययन

अभिलेखया ल्बाखँ थौतक नेपाले इले ब्यले चलं जुया वेंच्वंगु सम्बत थुकथं खः —

- १) विक्रम सम्बत
- २) शक सम्बत
- ३) ठकुरी सम्बत
- ४) नेपाल सम्बत

ध्व सम्बत त गनं गुकथं नेपाले चले जुल । अले थुकिया ऐतिहासिक पृष्ठभूमि छु दु ? ध्व फुंकं ध्वीकेत छसिकथं अध्ययन याय् मागु आवश्यक जुल ।

विक्रम सम्वत - थ्व ठीगु देशयागु सम्वत मन्हु ।^१ अय्सां गथे " राष्ट्रिय सम्वत " या रूपे चले जूगु ? थ्व खँय् ऐतिहासिकता छुं मदु । अय्सां थ्वेगु छुं रूपरेखा जकसां थ्वीकेगु आवश्यक जू । - विक्रम सम्वत चले याम्ह अर्थात संस्थापक विक्रमादित्य खः । अले विक्रमादित्य भारतया उज्जैन नगरयाम्ह जुजु धकानं ठीगु देशया भाषा वंशावलि तय्के न्हथना तःगु दु । तर थ्व विक्रमादित्य नेपाल विक्रम सम्वत चलेयागु धका छुं वंशावली नं उल्लेख जूगु मदु । बरू नेपाले वया नेपाले आपालं दे राज्य यांना अन्त्य पारस्म-णियाप्रभाव यको धन मुंका थःगु देश भारतया उज्जैन नगर ल्याहां वन । थ्वहे धनया प्रभाव दको हिन्दुस्थाने "विक्रम" नाम सम्वत्सर चले यात ।^२

थ्व ठीगु देशया धापू त धाय्माल । आ भारतया विद्वान तय्गु धापू नं छक नं अध्ययन यांना स्वय्, — भारतया छम्ह विद्वान या धापू दुकि विक्रमादित्य व विक्रम सम्वतया खँय् विवाद हे तिनि । थुकिया कारण थ्वहे खः कि गुगुकाले उज्जैयिनीस शको तयते बूका (पराजीत यांना) विल । उगु काले सुं प्रसिद्ध महापुरुषय नां ला छु उपाधि तकनं विक्रम या विक्रमादित्य खः थेंगु ऐतिहासिक मलुनि । उगु इले अथवा थ्वयां यको शताब्दि लिपा तकं विक्रम नामया सम्वत प्रयोग जूगु खने मदु । थुगु सम्वतया नाम न्हापां " कृत "

१) क- लिच्छवि सम्वतको निष्कर्ष - पृष्ठ ३६

ख - श्री ५ वडा महाराजाधिराज पृथ्वीनारायण शाहको जीवनी-
बाबुराम शर्मा - " एक दुई शब्द भूमिका "

२) क- प्राचीन नेपाल पत्रिका संख्या ८ - पृष्ठ ९, १०, १४

ख- लिच्छवि सम्वतको निष्कर्ष - पृष्ठ ३४-३५

२) " " - " - " ३५३

मखु । ... अन्ध परम्परां चले यागु थ्व विक्रम सम्बत नेपाःयागु इतिहासया ज्ञान दया वलिसे लिउने लाना वनि तिनि ।^१

शक सम्बत -- थ्व सम्बत गनयागु धंगु खँय् कीगु भाषा वंशावलि छु उल्लेख जुया च्वगु खने मदु । तर नेपाःया विद्वान तय्गु धापू दुकि थ्व शक सम्बत भारतया जुजु कनिष्क चले यागु खः । थ्व जुजु ७८ ईस्वी पावे जुजु जूगु खः धंगु न मान्यता जूगु दु ।^२ भारतया विद्वान तय्गु धापू दुकि - विक्रम सम्बत या नाप शक सम्बत न भारतया प्राचीन सम्बत खः । थ्व विक्रम सम्बत स्वया १३२२ दँ व ईस्वी सन् स्वया ७८ दँ लिपा जक चले जूगु सम्बत खः ।^३

जैन जनश्रुती कथं थ्व सम्बतया संस्थापक कनिष्क (प्रथम) मज्जे कनिष्क द्वितीयं थ्व सम्बत यात प्रचलने हगु खने दु । जैन जन-श्रुती--ततो वर्षवते पंचत्रिंशत् सन्धिके पुन । तस्य राज्ञा डन्वय हत्वा वत्सरः स्थापितः शकैः । हिन्दु जनश्रुती कथं सम्बतया प्रचलन कर्ना शालि वाहन खः । थुकिहे " शके शालि वाहन " न धागु खः ।^४

थःगु देशया सम्बत मखुगु " शक सम्बत " नेपाल मुक्तयं प्रचलने वल धंगु खँय् अभिलेखया ल्याखं थ्व लिच्छवि जुजुपि नापं नेपाल प्रवेश जूगु खने दु । नेपाःया ऐतिहासिक जुजु मानदेव (प्रथम) खः । थ्वहे मानदेव (प्रथम) जुजु तथा थकूगु चांगुनारायण स्थित सम्बत ३८३ यागु अभिलेख हे नेपाःया पुलां अभिलेखः खः । खःला स्वयंभु स्थित प्राचीन अभिलेख मानदेव (प्रथम) या राज्या शङ्करदेव

१) लिच्छवि संवत्को निष्कर्ष - पृष्ठ - ३६

२) भारतको इतिहास - गुणदेव भट्टराइ - पृष्ठ - ५०

३) ब्रज सांस्कृतिक इतिहास - प्रभु दयाल मीतल - पृष्ठ- ३३८

४) " " " " " " ३७०

यागु खः धैगुनं निर्णय जूगु दु ।^१ थ्व शङ्करदेववा अभिलेख गुगु इले-
यागु खः अर्थात् थुकि छु सम्बत अङ्कित जुया च्वन धैगु खँय्
अभिलेखया भग्नावशेष याता सियकेगु मेगु छु तपाय मदु । थथे जूसां
मानदेव (प्रथम) या अभिलेखे अङ्कित सम्बतया आधारे शक सम्बत
ज्वी फू । तर मानदेव (प्रथम) या अभिलेखे अङ्कित सम्बत, छु
सम्बत धैगु खँय् नं विभिन्न विद्वान तय्गु विभिन्न मत दु । थ्व सम्बत
यात भगवान लाल इन्द्रजी पाखे 'विक्रम सम्बत' निर्णय जूसा ल्फीट व
काशी प्रशाद जायसवरल पाखे " गुप्त सम्बत " या रूपे यिर्णय जूगु
दु । सिलवन पाखे " लिच्छवि सम्बत " निर्णय जूसा इतिहासकार
शिरोमणि वावुराम आचार्य व दिनेश सरमारजु पाखे " शक सम्बत "
हे खः धका निर्णय जूगु दु । अले अन्वेषक भाजु शङ्करमान राजवंशी
पाखे थ्व नेपाले लिच्छवि जुजुपिसं चले यागु "लिच्छवि सम्बत" खः
धैगु निर्णय जूगु दु ।

न्हयागु जूसां शक सम्बत कीगु देशया सम्बत मखु । थ्व शक
सम्बत भारत कीयाय् लिच्छवि जुजुपि नापंहे नेपाले प्रवेश जूगु खनेदु ।

ठकुरी सम्बत — जुजु अंशुवर्माया बुङ्गमती स्थित न्हापांगु सम्बत २९
अङ्कित अभिलेखं नेपाले छगू न्हूगु सम्बत चले जूगु
खने दु ।

थथे न्हूगु सम्बत गनं गुकथं वल धैगु खँय् विभिन्न विद्वान तय्गु
विभिन्न मत जुया च्वन । उकि विभिन्न विद्वान तय्गु घापू त छसि-
कथं अध्ययन यान स्वयमागु आवश्यक जुल ।

नेपाःया पुलां अभिलेख त मानु माला दकले न्हापां प्रकाशे
ह्हा विद्वान भगवानलाल इन्द्रजी खः । वयकथागु घापूकथं थ्व

“ हर्ष सम्बत ” खः । थ्व खँ यात समर्थन याना जे. ए. ल्फीट, किलहनं, आर. के. मुकर्जी थें नां दपि विद्वान तय्सं “ हर्ष सम्बत ” या ल्याखँ थुगु इले नेपाः भारतया अधिनस्थ खःला धँगु तकं प्रस्तुत जुया च्वन । उकिहे मखः थुकिया विपरित लेवी थ्व सम्बत यात ‘तिब्बत सम्बत’ या भापिया नेपाः उगुइले तिब्बतया अधिनस्थ खःला धँगु तकं प्रस्तुत यात । थ्व फुक तर्कया खँ जक हे खः । ऐतिहासिक प्रामाणिक कथं थुकिया महत्व मदुगु जुल ।

छाय् घासा - थ्व अंशुवर्माया अभिलेखे अङ्कित सम्बत यात डा. डिल्ली रमण रेग्मीजु पाखे दकले न्हापां अंशुवर्मा हे चले यागु सम्बत ज्वी माः धँगु तकं प्रस्तुत जूगु जुल । अले बेपाःया आपालं बिद्वान पाखे नं ऐतिहासिक प्रामाणिक कथं अंशुवर्मा हे चले यागु सम्बत खः धँगु निष्कर्ष यागु जुल । उकि थ्व नं छगू नेपाजे चले जूगु सम्बत खः । अय्जुसां अभिलेख तय्के थ्व सम्बतया नाम उल्लेख मजूगुलि याना गुलिसिनं “ ठकुरी ” सम्बत नामं माने याना च्वन ।^१ गुलिसिनं संक्षिप्त शक सम्बत^२ माने यासा गुलिसिनं “नयां सम्बत”^३ या नाम माने यात । गुलिसिनंला “ अंशुवर्मा सम्बत ”^४ या नाम माने यात । थुकथं नेपाले चले जूगु सम्बत जुयानं अभिलेखे थ्व सम्बत या नाम अङ्कित मजूगुलि याना छगू समस्या जूगु जुल । उकि जातीया आधारे तःगु ‘ ठकुरी सम्बत ’ लोहे धाय्माल ।

नेपाल सम्बत - थ्व बि. सं. १३६, शक सम्बत ८०२ इस्वी सन ८८० काले सम्बतसर ३९८० पाखे चले जूगु सम्बत खः । थ्व सम्बत नेपाःयागु हे चाय् बूया वगु सम्बत

१ नेपालको ऐतिहासिक रूपरेखा, पृष्ठ-९२, ९९

२ प्राचीन नेपाल, पृष्ठ-१०४, १०६

३ नेपालको आलोचनात्मक इतिहास, पृष्ठ-६१

४ लिच्छवि संवत्को निष्कर्ष, पृष्ठ-२३

खः । अले दको नेपालि तय्त् ऋण मुक्त याना स्वतन्त्रता प्रदान जूगु सम्बत खः । उके हाकनं जातीय व वंशया आधारे नामकरण मज्जेसे नेपाल देशया नाम हे छयला त गु सम्बत खः खालि वंशावलीकारतय्मं भुल याना थकूगुलि याना जक थ्व सु जुत्रुवा पाले अले जूगु खः धंगु खंय्जक भत भिन्नता जुया च्वंगु खः । अले आपालं विद्वानतय्स वंशावली जक स्वया अभिलेख पाखे विचा, मयागुलि याना न नेपाल सम्बतया निष्कर्ष मज्जुगु खः ।

मेमेगु सम्बत थें थ्व सम्बतयात छु नां तय्गु धंगु छु समस्या मदु । छायाग्रामा- 'नेपाल सम्बत' प्रचलने वकथ प्राचीन अभिलेख, ग्रन्थतय्के 'नेपाल सम्बत' या नाम हे सम्बतया नां अङ्कित जुया च्वंगु दु । गुक्तियाना नेपाःयागु इतिहासे थ्व नं छगू विशेषता जूगु दु ।

थ्व 'सम्बत' या निष्कर्षजकथं लिच्छाव जुत्रु जयदेव (तृतीय) व साख्वाल हे थ्व सम्बतया संस्थापक त खः । थ्व सम्बतया मुख्य विशेषता हे फिया लुं जुगु दाम दको नेपालि तय्गु ऋण पुला, आर्थिक शोषण मुक्त यागु खः । उकिं थ्व सम्बत ऐतिहासिकतां बिलि बिलि जाया च्वंगु सम्बत खः । अले थौं तकनं भ्वाना च्वने फूगु हे लोकप्रियया छगू दसू खः ।

“नेपाल सम्बत” हे राष्ट्रिय सम्बत खः

कीगु अर्थात कीगु देशया राष्ट्रिय सम्बत छु खः ? धंगु खंय् यानं जक बिचाः याय्यले प्रचलने वयाच्वंगु विक्रम सम्बत हे खःला धंगु भ्रमे लाय्फू । विक्रम सम्बतया नापं शक सम्बत कीगु देशया सम्बत मखु धंगु खं ऐतिहासिकताया माध्यमं निष्कर्ष ज्वी धुकूगु दु । थथे थुइक थुइक विक्रम सम्बतयात राष्ट्रिय सम्बत या रूपे माने याना च्वनेगु हे वन्देया निम्ति सरासर भूल यागु जुइ । उकिं कीसँ कीगुने

चले जूगु ऐतिहासिक सम्बतयात हे राष्ट्रिय सम्बत माने याय् मागु दु । विभिन्न विद्वान तय्गु धापूकथं ठीगु देशे स्वगू सम्बत चले जूगु खने दु ।

- १) लिच्छवि सम्बत (शक सम्बत)
- २) ठकुरी सम्बत (अंशुवर्मा)
- ३) नेपाल सम्बत

१) लिच्छवि सम्बत— थ्व मानदेव (प्रथम) जुजुया अभिलेख— सम्बतं पिहाँ वगु खः । थ्व सम्बतयात आपालं विद्वानतय्सं शक सम्बत हे माने याना च्वन । ^१ तर अन्वेषक शङ्करमान राजावंशीजुया धापूकथं थ्व सम्बत शक सम्बत स्वया २२ दँ न्हयः लिच्छवि तय्सं किराती जुजुयात त्याका चले यागु सम्बत खः । ^२ अभिलेखया नापं गन ग्रन्थे तकं शक सम्बत वाहेक लिच्छवि सम्बत उल्लेख जूगु खने मदु । उकिं लिच्छवि सम्बत माने याय्गु ऐतिहासिकताया छु आधार खने मदु ।

ठकुरी सम्बत-- थ्व अंशुवर्मा जुजुया अभिलेखं सम्बत खः । थ्व सम्बत चलेयाः म्ह अंशुवर्मा ख धँगु ऐतिहासिकताया माध्यमं निर्णय ज्वी धुकूगु दु । थ्व सम्बत छु उपलक्ष्य चलेयागु खः । थुक्किया छु ऐतिहासिक तथ्य खने मदु । मेगुला छु थ्व सम्बतया नां तक नं गुगु ग्रन्थे वा अभिलेखे अङ्कित जूगु मदु । खालि जातीयता आधारंजक थ्व सम्बत नाम “ ठकुरी सम्बत ” त.गु खने दु ।

नेपाल सम्बत— अभिलेखया नापं आपालं ग्रन्थे— “नेपाल सम्बत” य। नाम अङ्कित जुया च्वंगु दु । अले थ्व सम्बत चलेयागु उद्देश्य नं उलि हे महत्वपूर्ण जू । थ्व सम्बतया ऐतिहासिक

- १) क) प्राचीन नेपाल, पृष्ठ ९८-१०४ ख, नेपालको ऐतिहासिक रूपरेखा— पृष्ठ ८३, ८४ ग) लिच्छवि संस्कृति— पृष्ठ ४ (लिच्छवि संस्कृति पूर्वं अध्ययन)

- २) लिच्छवि संवत्को निष्कर्ष— पृष्ठ २८

पृष्ठभूमि हे फिया लुँ जूगु दामं दको नेपाली तय्त ऋणं
मुक्त याना चलेयागु सम्बत खः । राष्ट्रिय भावनां प्रेरित
जुया हे थ्व सम्बत या नाम-नेपाल देशया नां वकया
“नेपाल सम्बत” तःगु निविवाद जू ।

थुकथं ऐतिहासिक दृष्टिकोणं बिचाः याय्वले “नेपाल सम्बत”
हे नेपाल देशयागु थःगु सम्बत खः । थथे थःगु सम्बत दय्कं दय्कनं
राष्ट्रिय सम्बत छुकिपात माने याय्मानि धेंगु खय् नेपाःया इतिहास
शिरोमणि बाबुराम आचार्यजुया धापू छकनं अध्ययन याना स्वयं-
मागु दु । “कीगु राष्ट्रिय सम्बत” या विशेषण जुया मिलेजुया च्वंगु
‘विक्रम’ सार्थक खने मदु । थ्व सम्बत उज्जनीया जुजु विक्रमादित्यं
चले यागु खः धेंगु १२०० दँ न्ह्यः निसैं भारते चले जुया वैच्वंगु
दन्त्यकथा खः । कीगु देशे नं थ्व दन्त्यकथा द्वाहाँ वल । तर गुगु इले
(इसापूर्व ५८) थ्व सम्बत उत्थान जुल, उगु इले अवन्ति देशया
राजधानी उज्जयिनीस जुजु विक्रमादित्यया आस्तित्व खने मदु ।
उज्जयिनी नगरयागु सौन्दर्य मुग्ध जूम्ह महाकवि कालीदास (इस्वी
सम्बत ४००) न रघुवंश व मेघदुत नगरया मुग्ध कण्ठ प्रणसा यागु
दु ... यदि वं सम्बतया उठान याम्ह अवन्तीया जुजु विक्रमादित्य
यागु बाखें न्यंगु जूसा अवश्यनं रघुवंश व मेघदुते उक्रियागु (सम्बत)
वर्णन याय् मागु खः । उज्जयिनी उत्खनन् जूबले नं विक्रमादित्यया
छु चिं दुगुलूगु समाचार पत्रे वगु खने मदु । बास्तवे थ्व सम्बतया
उठान वर्तमान राजपुतानाया आवाद जूपि मालबगण तय्सं यागु
खः धेंगु अन लुया वैच्वंगु शिलालेख पाखें प्रमाणीत ज्वी धुकूगु
दु । थ्वहे कारणं थ्व सम्बतया नाप मिले जूया च्वंगु ‘विक्रम’ शब्द
लिकया व्छय्मागु आवश्यक जू ! १

इतिहास शिरोमणिजुया धापू कथं सिद्ध जूकि विक्रम सम्बत

१ श्री ५ बडामहाराजाधिराज पृथ्वीनारायण शाहको संक्षिप्त
जीवनी— ‘एक दुइ कुरा’ धेंगु भूमिकाय्

कीगु देशया सम्बत मखु । यथे कीगु देशया सम्बत मखुगु यात नं छु नातां वय्क नं ' विक्रम ' जक लिकया राष्ट्रिय सम्बत कथं हुनेमागु साहृति विया दिल्, थ्व ऐतिहासिक दृष्टिकोणं मिले जूगु खने मदु ।
स्वै दिर्खे, -

- १) ' विक्रम ' आख लिक्कया वले थ्व सम्बत यात छु सम्बत थाय्गु ?
- २) थःगु देशया सम्बत मखुगु यात छु नातां राष्ट्रिय सम्बत माने याय्गु ?
- ३) छु कीगु देशे चले जूगु ऐतिहासिक सम्बत त छुं हे मदुना ?

उर्कि कीसं कीगु देशया ऐतिहासिक सम्बत यातहे " राष्ट्रिय सम्बत " माने याय् मागु दु । ऐतिहासिकताया ऊवले 'नेपाल सम्बत' हे देशया राष्ट्रिय सम्बत सिद्ध जूगु दु । स्वै दिसं "नेपाल सम्बत" या ऐतिहासिक विशेषता, -

- १) " नेपाल सम्बत " हे जुजु व प्रजाया दथ्वी ऐतिहासिक स्वापूया छगू दसू खः ।
- २) " नेपाल सम्बत " हे दको नेपामि तय्त ऋणं मुक्त जा । चलेयागु सम्बत खः ।
- ३) " नेपाल सम्बत " वंश व जातिया आधारे नाम्कर जूगु सम्बत मखु ।
- ४) " नेपाल सम्बत " जुजु जयदेव (तृ) व प्रजा साख्बा जुया महान त्यागया छगू दसू खः ।
- ५) " नेपाल सम्बत " राष्ट्रिय भावनां प्रेरित जुया माः भूमि नेपाल देशया नामं हे चले थागु सम्बत खः ।

थुगु त्याखं " नेपाल सम्बत " हे ऐतिहासिक विशेषतां आ नेपाल देशया छगू जक सम्बत खः । अले थ्वहे कीगु देशया राष्ट्रिय सम्बत नं खः ।

